

摘藻堂四庫全書薈要

子部

欽定四庫全書薈要

子部

御定淵鑑類函卷二十四

五

臣紀昀詳校
詳校官兵部主事臣雷純




欽定四庫全書蒼要卷一萬一千四百七十二

子部

御定淵鑑類函卷二十四

地部二山

山一


春秋說題辭曰山之為言宣也含澤布氣調五神也

禮記曰夫山一拳石之多及其廣大草木生之禽獸
居之寶藏興焉 論語曰仁者樂山 春秋元命苞曰
山者氣之包含所以含精藏雲故觸石而出 韓詩外

傳曰仁者何以樂山山者萬人之所瞻仰草木生焉萬

物殖焉飛鳥集焉走獸伏焉生萬物而不私有羣物而

不倦出雲導風天地以成國家以寧有似夫仁人志士

此仁者所以樂山也 按敘爾雅云土高有石曰山釋

名云山產也言產生萬物說文云山宣也宣氣散生萬

物有名而高象形也釋名云山頂曰冢亦曰巔亦曰椒

山脊曰岡山大而高曰嵩

嵩高稱也今中嶽嵩山蓋依此亦作崧

小而高

曰岑銳而高曰嶠卑而大曰扈小而衆曰歸上天下小

曰巘山有草木曰岵

音戶

無草木曰垓

古哀反

石載土曰岨

土載石曰崔嵬

此因形而名之

山東曰朝陽山西曰夕陽

隨日照而

名之山足曰麓山穴曰岫山邊曰崖崖之高曰巖上秀者

曰峰陬隅高者曰岳山坡曰坂山三襲曰陟山再成曰

坏山中絕曰陁未及上曰翠微

一說山氣青縹色曰翠微

山屬曰嶧

言絡繹相連今魯國有嶧山純石相積構連屬成山蓋謂此也

山狹而高曰巒巒山曰

墮

他果反謂山形長狹者荊州又謂之巒詩云墮山喬岳

山精曰夔亦曰跂亦曰

雲陽祭山曰廋懸

廋角毀反自山頂曰冢已下並出說文釋名爾雅三書

增釋

名山頂曰冢冢腫也言腫起也山旁曰陂言陂陀也山

旁隴澗曰涌涌猶桶桶狹而長也山大而高曰嵩嵩竦

也亦高稱也山小而高曰岑岑嶮也同嶮嶮然也上銳而

長曰嶠形似橋也小山別大山曰甌彥甌甌一孔者甌

形孤出處似之也山多小石曰礫教礫堯也小石堯堯

獨處而出見也山多大石曰礪音學礪學也大石之形學

學然也山有草木曰岵岵怙也人所怙取以為事用也

山無草木曰屺屺圯也無所出生也山上有水曰埒夫

埶脫也脫而下流也石載土曰岨岨臚然也土載石曰

崔嵬因形名之也山下根之受雷

溜同

處曰𪔐𪔐𪔐𪔐也

吮得山之肥潤也山中叢木曰林林森也森森然也山足曰麓麓陸也言水流順陸燥也 原國語曰禹封九

山山者土之聚也

增管子曰天下名山五千三百七

十出鐵之山三千六百有九上有丹砂者下有黃金上有磁石者下有銅金上有綠石者下有鉛錫上有赭下有鐵 原晏子春秋曰齊景公召羣臣問曰天不雨久

矣民有飢色吾卜崇在高山廣澤寡人欲祠靈山可乎

晏子曰夫靈山固以石為身以草木為毛髮天久不雨
髮將焦身將熱獨不欲雨祠之何益 呂氏春秋曰何

謂九山會稽太山王屋首陽山太華岐山太行羊腸孟
門 淮南子曰牛蹄之涔無尺之鯉鰓府之山無丈之

材所以然者何也皆其營守狹小而不能容巨大 增

又曰八紘之外乃有八極東北方曰方土之山曰蒼門
東方曰東極之山曰開明門東南方曰波母之山曰陽

門南方曰南極之山曰暑門西南方曰編駒之山曰白
門西方曰西極之山曰閭闔之門西北方曰不周之山
曰幽都門北方曰北極之山曰寒門 晉書曰杜預好

為後世名常言高岸為谷深谷為陵刻石為二碑紀其
勲績一沉萬山之下一立峴山之上曰焉知此後不為
陵谷乎 原河圖曰武關山為地門上為天高星主圀
圖岐山在崑崙東南為地乳上為天縻星汶山之地為
井絡帝以會昌神以建福上為天井 地鏡曰八名山

必先齋五十日牽白犬抱白雞以鹽一勝山神大喜芝
草異藥寶玉為出未到山百步呼曰林林央央此山王
名知之却百邪 相冢書曰青烏子稱山望之如却月
形或如覆舟葬之出富貴山望之如雞栖葬之滅門山
有重疊望之如鼓吹樓葬之連州二千石 增酉陽雜
俎曰山上有葱下有銀山上有薤下有金山上有薑下
有銅錫山有寶玉木旁枝皆下垂 古今合璧曰太行
五嶽匡廬皆崇高渾厚雖諸峰魁然其奇秀莫如蜀之

岷峨巫峽楚之太岳池之九華歛之黃山休之齊雲括之僊都溫之鴈宕桂之靈山滇之點蒼非東西南北之人而走萬里窮荒陬者不可與言也

山二

原史記曰黃帝東至于海登丸山西至於崆峒登箕頭南至熊湘北逐獯鬻合符釜山 增又曰齊威宣燕昭王使人入海求蓬萊方丈瀛洲此三神山者其傳在渤海中蓋嘗有至者諸仙人及不死之藥皆在焉未至望

之如雲及到三神山反居水下臨之風輒引去終莫能至云 唐書曰秦系字公緒天寶末客泉州南安有九日山大松百餘章俗傳東晉時所植系結廬其上姜公輔之謫別駕見系輒窮日不能去築室與相近忘流落之苦及卒南安人思之為立小亭號其山為高士峰

舊唐志曰則天時新豐縣東南露臺鄉因大風雨電震有山踊出高二百尺有池周三頃池中有龍鳳之形禾麥之異則天以為休徵名為慶山荊州人俞文俊詣闕

上書曰臣聞天氣不和而寒暑隔人氣不和而疣贅生
地氣不和而堆阜出今陛下以女主居陽位反易剛柔
故地氣隔塞山變為災陛下以為慶山臣以為非慶也
則天怒流於嶺南 秦紀曰齊人徐市等上書言海中
有三神山名曰蓬萊方丈瀛洲仙人居之請得齋戒與
童男女求之於是遣徐市發童男女數千人入海求僊
人 漢地理志曰雍州鎮山曰吳嶽古文以為汧山秦
都咸陽以為西岳 原漢名臣奏曰漢得陰山匈奴長

老過之未嘗不哭 增三秦記曰太白山不知高幾許

俗云武功太白去天三百山下軍行不得鳴鼓角鳴鼓

角則疾風暴雨兼至也 原蜀王本紀曰天為蜀王生

五丁力士能移山秦王獻美女與蜀王蜀王遣五丁迎

女見一大蛇入山穴中五丁并引蛇山崩秦五女皆上

山化為石 張璠漢記曰梁冀聚土築山十里九坂以

象二嶠窮極工巧積金玉明珠充牣其中 素山松宜

都記曰郡西北陸行四十里有丹山山間時有赤氣籠

蓋林嶺如丹色因以名山 又曰自西陵東北陸行百
二十里有方山其嶺四方素崖如壁天清朗時有黃影
似人像山上有神祠場特生一竹茂好其標垂場中場
中有塵埃則風起動此竹拂去如灑掃者 盛弘之荆
州記曰桂陽郡西南五十里有萬歲山有石室鍾乳山
上悉生靈壽木 又曰武陵舞陽縣有淳于白雉二山
在寧州武陵二界畔絕壑之半有一石雉遠望首尾可
長二丈伸足翔翼若虛中翻飛頭綴著石 又曰宜都

夷道縣西南九十里有望州山四面壁立登此見一州
內東有涌泉欲雨輒有赤氣故名丹水 荆南圖副曰

宜都夷陵縣東六十里南岸有荆門山北有虎牙二山
相對虎牙有石壁其文黃赤又似虎牙形荆門山上合
下空有若門像 又曰鄧城西七里有作樂山諸葛亮
常登此山為梁甫吟 又曰襄陽郡中廬縣西百三十
里有馬穴山傍有一地道云漢時有馬出其中 又曰
宜都夷陵縣西八十里有高筐山古老相傳堯時大水

此山不沒如筐篚因以為名 又曰巴東昆陽縣東南
十里有柏枝山有石泉口方數丈中有魚 又曰宜都
夷道縣北有女觀山昔有思婦登山絕望懷思而死葬
之山頂山遂枯悴因以名山 庾仲雍湘中記曰桂陽
郴縣東北五里有馬嶺山高六百餘丈蘇耽所栖遊處
因而得僊後有見耽乘白馬還此山中世因名為馬嶺
王韶之始興記曰郡東有玉山草木滋茂泉石澄潤
鄧德明南康記曰平固縣覆笥山上有笥貯玉牒記

故山以筭為名焉 遊名山志曰玉溜山一名地肺山

一名浮山 增記曰渤海之東有大壑中有五山岱輿

員嶠方壺瀛洲蓬萊臺觀皆金玉所居之人皆僊聖之

種五山之根無所連著常隨波上下往來不得暫時仙

聖訴于帝帝怒流于西極命禺彊使巨鼇十五舉首而

戴之五山始峙 拾遺記曰東方朔寶瓊銘曰寶雲生

於露壇祥風起於月館望三壺如盈尺視八鴻如縈帶

三壺海中三山也一曰方壺則方丈也二曰蓬壺則蓬

萊也三曰瀛壺則瀛洲也此三山形如壺器八鴻者八方之名鴻大也登月館以望四海三山則如聚米縈帶者矣 山海經曰洞庭之山帝之二女居之 水經注曰燕王仙臺東有三峰甚崇峻騰雲冠峰高霞翼嶺岫壑沖深含煙罩霧耆舊言燕昭王求僊處 又曰居庸縣有大翻小翻山高巖絕雲層陵斷霧雙阜共秀競舉羣峰之上郡人王次仲少有異志年及弱冠變蒼顏舊文為今隸書秦始皇時官務煩多以次仲所易文簡便

于事要奇而召之三徵而輒不至次仲履貞懷道窮數
術之美始皇怒其不恭令檻車送之次仲行次化為大
鳥出車外翻飛而去落二翮於斯山故其峰巒有大翮
小翮之名矣 又曰壽春八公山山無樹木惟童阜耳
山上有淮南王劉安廟安折節下士篤好儒學養方術
之徒數十人皆為俊異多神仙秘法鴻寶之道忽有八
公皆鬚眉皓素詣門求見門者曰吾王好長生今先生
無住衰之術未敢相聞八公咸變成童子王甚敬之八

士並能鍊金化丹出入無間乃與安登山埋金于地白
日昇天餘藥在器雞犬舐之者俱得上昇其所昇之處
踐石皆陷人馬跡存焉故山即以八公為目晉世謝玄
北禦苻堅祈八公山及置陣於淝水之濱堅望山上草
木咸為人狀非八公之靈有助蓋苻氏將亡之感也

又曰吳山三峰霞舉秀出雲霄崩巒傾返山頂相捍望
之恒有落勢 又曰漢水北連山秀舉羅峰競峙祁山
在嶠冢之西山上有城極為嚴固昔諸葛亮攻祁山即

此城也開山圖曰漢陽西南有祁山溪徑逶迤山高巖險九州之名岨天下之奇峻又曰武陵郡嵩梁山高

峰孤聳素壁千尋望之若亭有似香爐永安六年其山洞開明朗如門高三百丈廣二百丈門角上各生一竹倒垂下拂謂之天帚孫休以為嘉祥分武陵置天門郡

隋文帝改曰石門山

又曰鵜鵠山有二峰峻極于天高崖雲峰

亢石無階援徒喪其捷巧鼃族窮其輕工故有大小鵜鵠之名矣又曰河東涑水南鹽道山其西則石壁千

尋東則蟠溪萬仞方嶺雲迴奇峰霞舉孤標秀出罩絡
羣山之表翠柏蔭峰清泉滙頂郭景純云世所謂鴛漿
也發于上而潛于下矣厥頂方平有良藥是以緇服脩
真之士鹿裘念一之夫代往遊焉路出北巘勢多懸絕
來去者咸援蘿騰崖尋葛降深於東則連木乃陟百梯
方降巖側縻鎖之跡仍今存焉故亦曰百梯山也 又
曰積石河北有層山山甚靈秀山峰之上立石數百丈
亭亭傑竪競勢爭高其下層巖峭舉壁岸無階懸巖之

中多石室焉室中若有積卷矣而世士罕有津逮者因謂之積書巖巖堂之內每時見神人往還矣蓋鴻衣羽裳之士練精餌食之夫耳俗人不悟其僊者乃謂之神鬼彼羗目鬼曰唐述復因名之為唐述山指其堂密之居謂之唐述窟 又曰北徐州東南有石門世俗謂之龍門也其山上合下開開處高六丈飛冰歷其間南出乘崖傾瀾泄注七丈有餘湊盪之音極為壯猛觸石成井水深不測素波白激濤襄四陸闕之者驚神臨之者

駭魄矣 又曰始興曲江縣有浮岳山山躡一處則百

餘步動若在水也因名浮岳山 博物志曰君山洞庭

之山也帝之二女居之曰湘夫人帝女遣精衛至王母

取西山之玉印印東海北山 湘洲記曰始皇欲入湘

觀衡山而遇風浪溺敗至此山而免因號曰君山 荆

州圖記曰湘君所遊故曰君山有神祈之則利涉 荆

州記曰小酉山石穴中有書千卷相傳秦人於此學因

留焉故梁湘東王云訪酉陽之逸典也 寰宇記曰南

康都昌縣有石鐘山西枕彭蠡連峰疊嶂辟立削峻南西北面皆水四時如一白波撼山其聲若鐘因名之李
白鐘山記云水經云彭蠡之口有石鐘山酈道元謂下
臨深潭微風鼓浪水石相搏響若洪鐘因受其稱予尋
繹東湖躋崖穿洞次于南隅忽遭雙石欹枕潭際影淪
波中詢諸水濱乃曰石鐘也有銅鐵之異焉扣而聆之
南音函和北音清越扣之響騰餘韻徐歇若非澤滋其
山山含其英聯氣凝質發為至靈不然則安能產茲奇

石乎乃知山仍石名舊矣 建安記曰將樂縣天階山下有寶華洞即赤松子採藥之所洞中有石燕石蝙蝠石室石柱并石臼石井俗云其井南通沙縣溪復有乳泉自上而滴人以服之登山頂者若昇碧霄故有天階之號 湘中記曰屈潭在玉笥山屈平之放栖于此山而作九歌焉 華陽國志曰武擔山武都丈夫化為女子顏色美絕蓋山精也蜀王納以為妃無幾物故王哀念之遣武丁武都擔土為妃作冢蓋地數畝高七丈號

曰武擔以石作鏡一枚表其墓其石俗名為石笋 玉
笥山錄曰漢武好僊於玉笥山頂上置降真壇大還丹
竈道士晝夜祈禱天感其誠乃降白玉笥置壇上武帝
遣使取之至壇側飄風大震卷玉笥而去因以為名

吳興記曰印渚山上承浮溪水渚以上至縣悉石瀨惡
道不可行船以下水道無險故行旅集焉晉王胡之為
吳興太守至渚中歎曰非唯使人心情開滌亦覺日月
清明傳云渚次石文似印因以為名 江源記曰南浦

郡高梁山尾東跨江西首劔閣東西數千里嶺長峻其
峰崔嵬於蜀市望之若長雲垂天一日行之乃極其頂
俯視衆山泯若平原劔閣銘所謂巖巖梁山積石峩峩
即述此也 九江記曰馬當山高八十丈週迴四里在
古彭澤縣北其山橫枕大江山象馬形迴風急擊波浪
湧沸舟船上下多懷憂恐山際立馬當山廟以祠之唐
王勃阻風泊舟其下遇老叟助以順風一夕至洪都作
滕王閣序陸魯望銘云天下之險者在山曰太行在水

曰呂梁合二險而為一吾又聞乎馬當 酉陽雜俎曰

齊郡函山有鳥足青紫赤黃素翼絳額名王母使者昔
漢武登此山得玉函長五寸帝下山玉函忽化為白鳥
飛去世傳山上有王母藥函常令鳥守之 襄陽耆舊

傳曰羊祜嘗與從事鄒湛共登峴山垂泣曰自有宇宙
便有此山由來賢達勝士登此遠望如我與卿者多矣
皆湮滅無聞念此使人悲傷我百年後魂魄猶當登此
山也湛對曰公德冠四海道符前哲令聞令望當與此

山俱傳若湛輩乃當如公語耳 江乘地記曰石頭城

山嶺嶂千里相重若一游歷者以為吳之石城猶楚之
九疑也山上有城因以為名漢建安十六年吳孫權脩
理改名石頭城今清涼寺西是也諸葛亮謂吳大帝曰
秣陵地形鍾山龍蟠石城虎踞真帝王所都也 紀聞

曰太和先生王旻得道者也常遊名山五岳明皇雅敬
信之南岳道者李遐周恐其繼世樂勸旻令出旻乃請
于高密牢山合煉許之因改牢山為輔唐山許旻居之

玉堂閒話曰興元南有路通巴州深谿峭巖捫蘿摸石三日始達于山頂復登措大嶺蓋稍平處也其絕頂謂之孤雲兩角彼中諺云孤雲兩角去天一握淮陰侯廟在焉昔韓信亡去蕭何追及於茲山王仁裕題詩云孤雲不掩興亡策兩角曾懸去住心 又曰麥積山北跨清渭南漸兩當其半崛起一石塊高百萬尋望之團團如民間積麥之狀故有此名其青雲之半峭壁之間鑄石成佛萬龕千室雖自人力疑其鬼工隋文分葬神

尼舍利函於東閣下傍室之中有庾信記刊於巖中古
記云六國共脩自平地積薪至於巖巔從上鑄鑿其龕
室佛像功畢旋旋折薪而下然後梯空架險而上其上
千房萬屋緣空躡虛登之者不可回顧將及絕頂有萬
菩薩堂鑿石而成自此室上更有一龕謂之天堂空中
倚一獨梯攀緣而上至此則萬人無一人敢登者於此
下顧其羣山皆如培塿王仁裕于唐末年辛未獨能登
之題詩於天堂西壁上曰躡盡懸空萬仞梯等閒身共

白雲齊簷前下視羣山小堂上平分日月低 郡國志
曰天姥山與括蒼山相連石壁上有刊字蚪斗形高不
可識春月樵者聞簫鼓笳吹之聲括耳元嘉中遣名畫
寫狀於圖扇即此山也

山三

原蒙險

含澤

楊文易卦序論云險而止山也險而動泉也動靜皆蒙險故曰山下詳山一

銀溢

金涌

漢書曰殷得金德銀自山溢蘇林注曰溢出也關令尹喜內傳曰五百歲天

下名山一開開時金玉之精涌出

石鏡

玉臺

山謙之吳興記曰臨安縣東五里石鏡山

東有石鏡一所徑二尺四寸甚清亮張僧監潯陽記曰石鏡山東有一圓石懸崖明淨照見人形鄧德明南

康記曰雩都君山有

崖館

雲府

盧湛詩曰遐舉遊名山松喬共相追

玉臺方廣各數丈

層崖成崇館巖阿結重闌

庾肅之山贊曰

石閭

懸岨杳翳神明攸居官府風雲懷吐川渠

金闕

漢書曰武帝禪石閭謝靈運泰山吟曰石閭何曉藹明堂秘靈篇史記曰燕昭王使人求蓬萊方

丈瀛洲此三山黃

霞壁

雲峰

荊州圖副曰丹崔山高可三十丈北臨丹

金白銀為宮闕

水赤壁如霞

孔煜會稽記曰

五臺

九室

酈道元水經注

四明山高峰軼雲連岫蔽日

云溥池水西注五臺山北其五巒巍然故

九坂

千

號五臺玉匱曰青城山名九室之天

巖

上詳山一世說曰顧長康從會稽還人問山川之美顧云千巖競秀萬壑爭流

五女

兩童

上詳山一 魏文帝登山望遠詩曰西山一何高望望殊不及上有兩仙童不飲亦不食

僊

宮

神闕

王韶之南康記曰雩縣有君山大風雨後聞絃管聲其山謂之仙宮 鄧德明南康記曰

歸美山高數百丈遠望嵯峨

出日

落星

山海經曰東海之外

靈闕騰空故老謂之神闕

大荒中有山名大谷日月所出

山謙之南徐州記曰

臨沂縣前有落星山今云班瀆即綠江圖所謂落星浦

員嶠

方壺

列子曰渤海之東有壑其中山曰員嶠拾遺記曰海中三山一名方壺方丈

二曰蓬壺蓬萊三曰瀛洲其形如壺上廣而下狹

車蓋

香爐

山謙之吳興地記曰烏程

縣車蓋山山東舊有殷康所立亭矚望極佳 郭仲彥雍州記曰望楚山有三磴道上磴道名香爐峰

鑿室

臨榭

楚辭曰鑿山楹以為室下披衣于水府 又曰層臺累榭臨高山

天台

地首

劉敬叔異苑曰會稽天台山路遐遠自非忽生忘形不能躋也河圖曰崑崙之山為地首

天目

地肺

山謙之吳興記曰於潛舊縣天目山極高險且長遠與宣城淮安並分山為界

謝靈運遊名山志曰地肺山者王演山記謂之木榴

山一名地肺永嘉郡記曰地肺山在樂城縣東大縣中

去岸百

青丘

丹穴

山海經曰青丘之山其陽多玉其陰多青腹有獸如狐九尾有

餘里

鳥如鳩佩之不惑又曰丹穴山丹水出焉有鳥如鶴

五采而文名曰鳳鳥不飲不食自歌自舞見則天下安

寧

天作

地鎮

詩天作高山周禮九州有名山為地鎮注鎮安安地德也

設

險

積卑

易坎卦彖辭丘山積卑而為高莊子

國寶

器車

左傳山澤材監

國之寶

禮云天不愛其道地不

獸離

奎負

莊子

愛其寶人不愛其情故山出器車

之獸分而離山不免網罟之患

鼇負

蛇繞

白帖鼇負蓬萊又

又云使蜃負山不勝任

蛇繞崑崙

維高

不測

詩漸漸之石維其高矣今陛下騁飛六龍不測之山

漢書

有夔

無獸

莊子云夔鬼也如鼓一足楚辭山蕭條兮無獸

秀出

小隱

白帖峩峩崇崇秀出削成

載陟

久留

家語萬仞之山重載陟焉

又小隱山林大隱朝市

離騷山中不可以久留

拳石

纖塵

上禮記詳前一白帖山不讓纖塵故能成其大

峻極

不崩

詩崧高維岳峻極于天又如南山之壽不騫不崩

視三公

植萬物

禮記曰天子祭名山大川五岳視三公鄭元注曰視者牲器之數下詳前一

狐豹

棲

金銀溢

莊子云豐狐文豹棲于山也下漢書詳上

始萬物

見列

星

周易終萬物始萬物莫盛乎艮
山也 莊子元天山高四見列星

共工觸 愚公

移

列子女媧氏斷鼃足以立四極其後共工與顓頊爭
天下怒觸不周山 又太行王屋二山方七里高萬

仞愚公且九十面山居懲山北將移之操蛇之神聞之
山神懼其不已也告帝帝感其誠命夸娥氏二子負山

一措朔東一措雍南

聚土築 著屐登

上梁冀事詳
前白帖

自此冀南漢陰無隴

宋謝靈運好登山陟嶺必造幽峻巖嶂數十重莫不
盡登躡常著木屐上山則去前齒下山則去後齒

刺而出泉 鑿以為室

白帖漢貳師李廣利軍行無水
拔刀刺山水泉湧出 下楚詞

結為山岳 蒸為雲雨

白帖結為山岳流
為江海 下同

節彼南

山 鎮茲下土

詩節彼南山維石
巖巖 下白帖

桐生朝陽 米聚

形勢

白帖桐生朝陽不宜生高岡太平生而為瑞也
後漢書馬援征隗囂于帝前聚米為山指畫形勢

開示衆軍帝曰
虜在吾目中矣

結成元氣之始 秀出太虛之中

白帖

增丹梯

青壁

謝玄暉敬亭山詩要欲追奇趣即此
陵丹梯善注丹梯謂山也又謝朓鼓

吹登山曲曰暮春春服美遊駕陵丹梯又謝靈運登石
門最高頂詩曰共登青雲梯 杜甫閬山歌曰閬州城

東雪山白閬州城西玉臺碧中原
格鬪且未歸應結茅齋傍青壁

綠髮

青螺

劉禹錫洞

庭山詩曰湖光秋色兩相和潭面無風鏡未磨遙望洞
庭山正翠白銀盤裏一青螺 元稹詩曰芙蓉脂肉綠

雲鬟罨畫樓臺青黛山千樹桃

翠微

滄嶼

彙苑詳註曰翠

花萬年藥不知何事憶人間

靈嶽

崇丘

荀晞曰淮陽之
地北組塗山南

微山氣青縹色又曰滄
嶼海中山也極目滄嶼

枕靈嶽

補亡詩曰瞻彼崇丘其林藹藹

又陸機赴洛道中詩曰振策陟崇丘

揚雄蜀都賦曰蒼山隱天岵岵迴叢西都賦其陽則崇

山隱天幽林穹谷水經注云清水由分頭嶺南流逕

魯陽關左右連山

鳥鼠龍虎

括地志云鳥鼠山今名青雀山在渭州渭

源縣西爾雅鳥鼠同穴其鳥為鼯其鼠為鼯注云鼯如

人家鼠而短尾鼯似鴉而小黃黑色穴入地三四尺鼠

在內鳥在外今在隴西首陽縣鳥鼠同穴山中

肆考曰龍虎山在廣信府貴溪縣兩石對峙如龍昂虎

踞乃三十一福地漢

牛渚馬陵

又曰牛渚在當塗縣西北亦名燃犀

張道陵脩煉之所

浦世傳下多怪物即晉溫嶠燃犀處

又曰馬陵在兗州郟城即古瑯琊山也

鵞湖鴈蕩

又曰鵞湖在鉛山縣北山上有湖生荷舊名荷湖山後有龔氏嘗畜鵞於此故又名鵞湖唐王駕詩鵞湖山下

稻梁肥

又曰鴈蕩山在樂清縣東九十里此山天下

奇秀谷邃峰疊行者不能徧分東西谷列十八寺始有

駐足之地山中景致非一王十朋詩

雞籠 鳥帶 又

鴈山門戶從此入南北兩峰相對高

雞籠山在金陵覆舟山之西後臨玄武湖元嘉中立儒

館於北郊命雷次宗居之次宗因開館於山齊高帝嘗

就次宗受禮及左氏春秋 又曰諸暨縣有鳥帶山其

上多紫石謝敷少時經始諸山功費千計生業將盡後

遊此境夢山神語之曰當以五十萬相助旦見牀下有

異色石試取磨拭之乃紫石也因問所從來云出此山

遂往掘之

鹿門

燕巖

又曰鹿門山在襄陽府東南

得利不貲

漢龐德公唐龐蘊孟浩然皮

日休俱隱于此 又曰太原府壽

牛頭

熊耳

又曰

陽西山多蟄燕因以名山曰燕巖

山在江寧縣南狀如牛頭晉元帝渡江草創欲立石闕

于宮門未定王導隨駕出宣陽門乃遙指山南峰為天

闕中宗從之梁武帝建寺於石窟下名仙窟上有佛宮
曰弘覺寺寺有浮圖二殿闕廊宇依山結構望之如畫
屏北與獻花巖祖堂山相連佛經所謂江表牛頭是也
宋大明中立郊壇于山之南峰岳飛設伏于牛頭以邀
烏珠即此是又曰熊耳山在河南盧氏縣西南兩峰
相並如熊耳禹貢所謂導洛自熊耳即此又宜陽亦有
熊耳山史記漢光武破赤眉積

虎牙

羊腸

又曰荊州府城

南大江北岸與荊門山相對有虎牙山昔公孫述遣將
依二山作浮橋拒漢師又曰羊腸山在山西太原府

交城縣東北郡國志萬根

委羽

落翮

又曰委羽山在黃巖縣昔

谷石磴紫委若羊腸然

劉奉控鶴墜翮因名山為委

釣魚

繫馬

又曰釣魚山在重慶

羽下大翮小翮詳前二

府合州之東山南大石砥平有巨人跡相傳異人坐其上
投釣于江因名宋理宗時余玠用播州人冉玘之謀

城釣魚山則蜀可守即此又曰繫馬山在登州府寧海州東世傳秦始皇遊此攬草繫馬至今草生若繫馬

之狀
鬪雞
發鳩
桂林志曰鬪雞山在雉山之東兩山相向在江左右如鬪雞然詩曰巧石

如雞欲鬪時昂冠相距水東西紅羅纏頸何曾見老殺青山不敢啼
山海經曰發鳩之山有鳥名精衛

黃鶴
碧雞
山堂肆考曰黃鶴山在湖廣武昌府西南昔仙人子安乘黃鶴過此故名上有黃鶴

樓唐崔顥題詩其上又岳州府城南有白鶴山昔有江叟嘗遇樵夫遺以鐵笛吹之無聲一日登此山吹于紫荆臺響振林木忽有兩女出授神藥云服此當為水仙女子蓋龍女也
又曰碧雞山在雲南府西南東瞰滇澤蒼崖萬丈綠水千尋漢宣帝時方士言益州有金馬碧雞可祭而致遣王褒往祀至蜀而卒顏師古曰金形如馬碧形如雞集覽其神祠在益州金馬坊金馬山在府城東西對碧雞山中隔滇池山不甚高而綿亘西南

數十里上有長亭下有金馬關

黃牛 白馬

又曰黃牛山在荊州府夷陵縣西即黃牛峽峭

壁若有人負力牽牛狀人黑牛黃 又曰白馬山在處州宣平縣西山有瀑布泉石室中有巨石屹立擊之鏗

然相傳葉法喜嘗栖於此

黃陵 絳巖

又曰黃陵在湘陰縣舜二妃廟在焉 又曰絳巖在

句容縣西南一名赭山上有龍穴祠壇窠宇記本名赤山唐天寶中改為絳巖一名丹山丹陽之義起于此

藍田

赤壁

地理志曰藍田山在西安府藍田縣東南山出玉英故名四皓避秦逃入此山

山堂肆考曰赤壁在武昌府東南樊口之上若東坡之遊自在黃州也

青城

白苧

又

青城在成都府灌縣西南道書為第五洞天 宣城圖經白苧山本名楚山晉桓溫嘗攜妓遊此山奏樂好為

白苧歌因

綠蘿

紫帽

山堂肆考曰綠蘿在常德府桃源縣乃四十一福地也

改名焉

又曰紫帽在泉州府西南常有紫雲覆其巔唐時泉人客洛陽邂逅一羽衣寄書紫帽隱者其人既歸授書于隱者隱者遺以米半升其人還家視之皆金粟也宋徽宗御書金粟之洞刻石在焉

白帝 烏

蠻

又曰白帝在夔州府城東公孫述據蜀殿前井中嘗有白龍出因自稱白帝更號魚復縣為白帝城焉

又曰烏蠻在柳州府柳城縣

青眉

赤甲

又曰青眉在陝西延

東南山高聳臨江下有潭

安府延安縣西北後魏時有吐蕃青眉族居此

又曰

赤甲在夔州府其山高大不生草木人望之如袒臂故

謂之赤甲杜詩卜居赤甲

點蒼

長白

又曰點蒼在雲南大理府

遷居新西見巫山楚水春

城西高千餘仞有峰十九蒼翠如玉盤亘三百餘里山

頭有高河泉深不可測又有瀑布諸泉流注為錦浪等

十八川元高昌雅詩水繞青山山繞城由來人傑地應

靈水光萬頃開天鏡山色四時環翠屏 又曰山東濟

南府長山縣西南有長白山孤秀盤鬱獨壓衆山乃太山之副岳繡江源發於此山高二千九百丈周六十里雲雨長白故名上有醴泉寺即范仲淹讀書處遼東三萬衛有此山橫亘千里有潭周迴八十里南流為鴨綠江北流為混同江又金國志亦有長白山為白衣觀音所居其山禽獸皆白黑水發源于此

江郎

黎母

又曰江郎山三峰之上各有一巨石昔山下民兄弟三人化于此晉永嘉之亂有湛滿者亦居

山側有一子仕宦不得歸禱于三石旬中湛子出洛水見三少年使閉目入車中恍然不知所之良久乃至家山在衢州江山縣南山頂有池產碧蓮金鯉又曰黎母山在廣東瓊州府定安縣南山下諸蠻環居號黎人供賦役者號生黎耕省地者號熟黎宋徽宗建鎮州於黎母即此山有五峰屹立瓊崖儋萬之間為四州之望每晝雲霧收斂則五峰聳秀挿天至黃昏復蔽不見

壺公 冶父

又曰福建興化城南

有壺公山山有五奇昔人有遇老翁於此忽見宮闕似
非人間翁云此壺中日月也後人因名壺公 又曰治

父在廬州府廬江縣東北濡須志舊有人冶鑄于此故
名自麓至巔幾五百里有三百六十四子山羅列在下

山比衆山獨

天姥 佛日

又曰天姥在紹興府新昌
縣名十六福地即季先生

尊故曰父

脩道處

又曰佛日在杭州

仙堂 鬼谷

又曰仙堂
在山西潞

府城東北中有佛日淨慧寺

州襄垣縣山勢崑嵒上有龍洞及仙堂寺

又曰廣信

府貴溪縣南有鬼谷山山峰峭拔兩山對峙如龍昂虎

踞之狀道書為第十五洞天山上有蘇

九室 雙牙

秦臺張儀井世傳鬼谷子居此故名

又曰九室在襄陽府房縣西相傳五代時陳搏脩煉之
所 又曰雙牙在成都府簡縣東山頂有古井山半有

石箱昔有兩金鵝浴於井夜棲於箱人欲捕之

七盤

遂飛上南山化為雙石對峙若牙齒然故名

九峻

又曰七盤在陝西藍田縣南杜氏通典七盤十二綽藍田之險路也唐貞元初刺史李西華自

藍田至內鄉開新道七百餘里迴山取塗行旅便之又曰九峻在湖廣德安府孝感縣一在西安府乾州醴

泉縣唐昭

陵在焉

千佛五祖

又曰江寧縣東北有攝山按江總碑臨沂令與法度禪師

錫造石佛名千佛嶺齊文惠太子豫章竟陵諸王增飾之嶺之上下巖數百隨其淺深廣狹為佛之大小惟正一峰高可五丈內坐釋迦佛傍立菩薩二皆四丈八尺下為天開巖白乳泉唐劉長卿有登東峰尋明徵君故居詩又曰五祖在黃州府黃梅縣一名茂山即五祖大滿禪師道場山頂有池生白蓮花唐裴度詩徧尋真跡躡莓苔世事全拋不忍回上界

穀城

黍谷

又曰穀城

在山東兗州府東阿縣漢張良遊下邳圯上遇一老人授一編書曰後十三年孺子見我濟北穀城山下黃石

即我矣孔文祥曰黃石公鬚眉皆白杖丹藜履赤舄葛稚川云即老子也老子無世不出于黃帝時號廣成子文王時號支邑先生武王時號郭叔子漢初號黃石公漢文時號河上公又曰秦谷在順天府懷柔縣東跨密雲界劉向云燕有谷地寒不生黍稷

梅嶺 花巖

又曰梅嶺即大庾嶺在南安府大庾縣城西南磅礴高聳南接南雄初嶺路峻阻唐宰相張九齡開鑿新路兩壁峭立中塗坦平上多紅梅故名梅嶺嶺表有闕曰梅闕宋橫浦居士張九成所築按大庾縣本漢南野縣地漢初南粵不貢武帝遣將軍庾勝討之築城于此因名大庾縣嶺亦以庾名之又曰花巖在江寧縣去牛頭山五里唐貞觀中僧法融棲巖下遇大雪忽有奇花二莖生巖側又有白鳥獻花於此故名

峴首

陪尾

羊祜登峴山事詳前又曰陪尾在湖廣德安府城東北即禹貢至於陪尾是也

卑

耳

折腰

史記齊桓公曰寡人北伐山戎過孤竹西伐大夏涉流沙東馬懸車上卑耳之山卑耳在

河東太陽

山堂肆考曰折腰在山

天柱

雲門

又

西平陽府垣曲縣西北山有銅冶

天柱在杭州餘杭縣西南四隅陡絕聳翠參天為道家五十七福地又曰紹興府城南有雲門山王獻之嘗

居之梁天監中選學生往雲門山從何轍受業即此

天中

雲際

又曰天中在河南汝寧府

城北以其在天之中故曰天中自古考日景定分數者莫正于此又曰雲際在柳州府融縣城北上有二泉

雷首

月牙

又曰雷首即首陽山在河東蒲坂縣又封禪書所謂薄山也又曰月牙在桂

林府龍隱巖北捫蘿而上石磴數十級半山之中形如初月故名

春秋

子午

又曰春秋

在廬州舒城縣南相傳唐貞元中有二禪師解脫于此遺骨尚存其來實春秋時也遂以名山又曰子午在

陝西慶陽府合水縣東綿亘八百餘里相傳此處是黃帝葬衣冠之所

富春

長秋

又曰

富春在嚴州府桐廬縣西一名嚴陵山山號錦峰繡嶺乃漢嚴子陵釣處前臨大江上有東西二釣臺又曰

長秋在四川嘉定

玉壘

銅官

又曰玉壘在成都府灌縣西北湔水出焉

州蒲江縣治東

左思賦包玉壘以為宇杜甫詩曰玉壘浮雲變古今又曰銅官在銅陵縣之南上有泉源冬夏不竭可以浸

鐵烹銅因名一在四川邛州東南史記卓氏之先為趙人秦破趙卓氏夫妻推輦而行曰吾聞岷山沃野下有蹲鴟乃求遠遷致之臨邛即山鑄錢即此漢文帝嘗以山賜鄧通一在浙江湖州武康縣西北相傳吳王濞采銅于此山下有二坎號銅井登州文登縣有鐵官山漢置鐵官治鑄于此

采石

銅鼓

又曰

采石在太平府牛渚山之北昔人于此取石因名唐李白嘗乘月著宮錦袍與崔宗之泛舟即此又曰銅鼓

在鬱林州南有唐時銅鼓在焉故名

衣錦

執笏

又曰杭州臨安縣治南有石鏡山山之東

峰有圓石徑二尺七寸其光如鏡錢鏐幼時遊此巔其形冠冕如王者狀後唐昭宗改鏐所居營為衣錦營并封此山為衣錦山 又曰執笏在成都府井研縣南一峰突出青陽氏世居其下登科不絕

爛柯

懸甕

又曰爛柯在衢州府南道書謂此山為青霞第八洞天晉樵者王質入山見二童子圍碁質置

斧觀之童子與質一物如棗核食之不飢局終童子指視之曰汝斧柯已爛矣質歸已無復時人矣 又曰懸甕在太原縣西晉水所出 因山腹有巨石如甕故名

敬亭

畏壘

又曰敬亭在寧國府宣城

縣北李白詩衆鳥高飛盡孤雲獨去閒相看兩不厭只有敬亭山 莊子曰老聃之後有庚桑楚者得老聃之道居畏壘之山居三年畏壘大穰畏壘之民相與言曰庚桑子之始來吾灑然異之今吾日計之而不足月計

之而有餘庶幾其聖人乎子胡不相與尸而祝之社而稷之乎

仙室 曾城

水經注曰武當

山一名太和山亦名參山山形特秀又名仙室名山記曰武當山區域周迴四五百里中央有一峰名參嶺高

二十餘里望之秀絕出於雲表清朗之日然後見峰一月之間四五見耳輕霄蓋於上白雲帶其前 彙苑曾

城九重王

龍眠

鹿起

一統志曰桐城有龍眠山林壑深秀又曰舒城有鹿起

山

上為星精 俯視雷雨

上詳前一五岳圖聚曰括蒼山東岳之佐命登真

隱訣吳錄云括蒼山登之俯視雷雨也

欲界仙都

仕宦捷徑

陶弘景曰高峰

入雲清流見底日夕欲流沉鱗競躍實是欲界之仙都也唐書曰盧藏用隱居終南往來於少室間後登朝趙趙詭佞專事權貴道士司馬子微歸天臺山羣公祖道藏用指終南山曰此中甚有佳處何必天臺子微曰

以吾觀之此乃仕宦之捷徑耳藏用有慙色

山四

原國主川山師

山師掌山林之名辨其物與其利害而頒之邦國使置其珍異之物

厲

禁

山虞掌山林之政令為之厲而為之守禁若祭山林則為之主而脩除且蹕

萃崩

詩山冢萃崩

固國

孟子固國不以山谿之險

出雲

禮記天降時雨山川出雲

藏疾

左傳山數藏疾

藏金

莊子

五山

列子大壑中有五山焉一曰岱輿二曰員嶠三曰方壺四曰瀛洲五曰蓬萊

八山

史天下名山八三在外五在中國華山首陽山太室山少室山東太山此五山黃帝之常遊

登山

古詩登山臨水送將歸

上山

又曰上山採藤蕪下山逢故夫

有木

左傳山有木工

則度為山

九初

增琴高

山堂肆考曰琴高山在涇縣東相傳為琴高控鯉上昇之所

華表

又曰遼東都司城東有華表山昔丁令威化鶴于此故名

焦山

又曰焦山在鎮江江中漢

處士焦先隱此故名旁有海門二山上有焦山寺羅漢巖宋理宗書三大字揭之有臺曰煉丹洞曰三詔因先

三詔不起故名崖下有瘞鶴銘據輟耕錄所載此銘乃華陽真逸撰刻在鎮江焦山頑石上潮落方可手摸相

傳為晉王右軍書宋黃詹父曰為陶隱居書今文格字法殊類陶弘景蓋弘景自號華陽隱居也

袁山

又曰袁山在江西袁州府東北昔高士袁京居此故名有大小二袁山唐人詩袁山大小雙螺並秀出東西二

帶橫

蒜山

又曰蒜山在鎮江府西大江岸上山多澤蒜故名

茶山

又曰茶山在蘄水縣北山

出茶劉禹錫詩薤葉照人呈夏簟松花滿椀試新茶又廣信府北亦有此山以陸羽嘗居此故名

良

常

金陵志秦始皇登句曲北垂歎曰巡狩之樂莫過於山海自今以往良為常矣羣臣并稱壽歎曰良為常

矣乃改句曲北垂為良常山

宛委

詳會稽諸山

姑射

彙苑詳註曰堯見四子於姑射之山

窅然喪其天下焉又藐姑射之山有神人焉肌膚若冰雪

勾漏

又曰洞天之一交趾有勾漏山出丹砂

買山

高逸傳支道林因人就深公買印山深公答曰未聞巢由買山而隱適得此言慙慙而已雲

溪友議于頔鎮襄陽廬山符載山人遣書于公乞買山錢百萬于公遂如數與之

童

山無草木曰童

赭

彙苑詳註曰始皇伐湘山樹赭其山

支硎山

山堂肆考曰支硎山在吳縣西晉僧支遁

道林隱此且山多平石遂名支硎山上有石窟溫泉放鶴亭馬路石皆支遁盤桓處

桐君山

又曰

桐君山在嚴州府桐廬縣東有異人于此採藥求道結廬于桐木之下人問其姓名則指桐以示之因號此山

為桐君山

羣玉山

穆天子傳天子北征東還至於羣玉之山阿平無險寡草木而無禽獸天子于

是取玉三乘玉器服物載玉萬隻天子休羣玉之山

具茨山

天中記曰黃帝登具茨之山升于洪隄之

上受神芝之圖

夾谷山

一統志曰夾谷山在淄川舊名祝其山即孔子相定公會

于黃蘆童子

甘泉山

寰宇記曰甘泉山在涇陽亦名石鼓原甘泉水出焉漢甘泉宮在其上揚子雲作賦

夢吐鳳于楮上者

吳嶽山

又曰吳嶽山在隴州今為西鎮上有五峰

華不注山

郡縣志曰華不注山在府城東北虎牙傑立孤峰刺天

鑿巫閭山

名山志曰鑿巫閭山在廣寧衛

城西昔虞舜封十有二山之一即幽州之鎮也其山掩抱六重又名六山上有桃花洞聖水盆三水懸崖下灘

雖冬不冰又有仙人巖飛瀑巖

山五

原詩晉庾闡登楚山詩曰拂駕升西嶺寓目臨浚波想
望七德耀詠此九功歌龍駟釋陽林朝服集三河迴首
盼宇宙一無濟邦家 宋孝武遊覆舟山詩曰東髮好

怡衍弱冠頗流薄素想終勿傾聿來果丘壑層峰亘天
維曠渚綿地絡逢臯列神苑遭壇樹仙閣松塏含青暉
荷源煜彤爍川界泳游鱗巖庭響鳴鶴 又登作樂山
詩曰修路軫孤轡竦石頓飛轅遂登千尋首表裏望丘

原屯煙擾風穴積水溺雲根漢潦吐新波楚山帶舊苑
壤草凌故國古木秀頽垣目極情無屆客思空已繁

登魯山詩曰解帆憩通渚息徒憑椒丘粵值風景和升
高縱遠眸紀郢窮西路湘夢極南流杳哉漢陰水浩焉
江界脩 宋謝靈運往北山經湖中詩曰石橫水分流
林密蹊絕蹤初篁苞綠籜新蒲含紫茸海鷗戲春岸天
雞弄和風 宋宗炳登白鳥山詩曰我徂白鳥山因名
感昔擬仰升數百仞俯覽眇千里杲杲羣木分岌岌衆

巒起 又登半石山詩曰清晨陟阻崖氣志洞蕭灑嶰
谷崩地幽窮石凌天委長松列竦肅萬樹巉巖詭上施
神農蘿下凝堯時髓 齊謝朓和王著作登八公山詩
曰東限琅琊臺西距孟諸陸阡眠起雜樹檀欒蔭脩竹
日隱瀾疑空雲聚岫如複出沒眺樓雉遠近送春日
又遊敬亭山詩曰茲山亘百里合沓與雲齊上干蔽白
日下屬帶迴谿交藤荒且蔓樛枝聳復低獨鶴方朝唳
飢鶻此夜啼泄雲已漫漫多雨亦淒淒 梁沈約遊金

華山詩曰遠策追夙心靈山協久要天倪臨紫闕地道
通丹竅未乘琴高鯉且縱嚴陵釣若蒙羽駕迎得奉金
書召高馳入閭闔方覩靈妃笑 又贈留真人東山還
詩曰連峰竟無已積翠遠微微寥戾野風急芸黃秋草
腓我來歲云暮於此悵懷歸霜雪方共下寧止露霑衣
待余兩岐秀去去掩柴扉 梁范雲登三山詩曰仄徑
崩且危叢巖竦復垂石藤多卷節水樹饒蟠枝海中昔
自重江上今如斯 梁江淹歷山詩曰愁生白露日思

起秋風年竊悲杜蘅暮攬涕即空山落葉下楚水別鶴
噪吳田嶂氣陰不極日色半虧天酒至情蕭瑟憑樽還
惘然 又遊黃檗山詩曰長望竟何極閩雲連越邊南
州饒竒怪赤縣多靈仙金峰各虧日銅石共臨天陽岫
昭鸞采陰谿噴龍泉雞鳴丹壁上猿嘯青崖間 梁任
昉奉和登景陽山詩曰物色感神遊升高悵有閩南望
銅駝街北走長楸埒別澗宛滄溟疏山駕瀛碣奔鯨吐
華浪司南動輕柂日下重門照雲開九華澈觀閣隆舊

恩奉圖愧前哲 梁庾肩吾遊甌山詩曰平子去已久

餘風今復追未必遊春草王孫自不歸寒雲間石起秋

葉下山飛 又賦得山詩曰層雲霾峻嶺絕澗倒危峰

刻削臨千仞嵯峨起百重行曦上杳杳結霧下溶溶仁

心留此屬休奉愧羣龍 周蕭撫上蓮山詩曰獨邁青

蓮嶺超竒紫蓋峰挂流遙似鶴挿石近如龍沙崩聞韻

鼓霜落似鳴鐘飛花滿叢桂輕吹起脩筇石蒲今尚有

採摘更相逢 周王褒明慶寺石壁詩曰夏水懸臺際

秋泉帶雨餘石生銘字長山久谷神虛 又雲居寺高

頂詩曰中峰雲已合絕頂日猶晴邑居隨望近風煙對

眼生 陳張正見賦得山卦名詩曰蓬萊遯羽客巖穴

轉蒙龍雲歸僊井暗霧解石橋通影帶臨峯鶴形隨雜

雨風尋師不失路咸欲馭飛鴻 陳蕭詮賦得往往孤

山映詩曰青山照落暉映遠望連飛僊峰看玉筍關路

視金微鼓吹聲疑盡香爐煙覺稀共君臨水別勞此送

將歸 陳釋惠標詠山詩曰靈山蘊麗名秀出寫蓬瀛

香爐帶煙上紫蓋入霞生霧捲蓮峰出巖開石鏡明定
知丘壑裏併佇白雲情 又曰峨眉信重險天目本僊
居金華抱丹竈玉笥蘊神書幽人披薜荔怨妾採薜蘿
紫巖無暮雨何時送故夫 又曰丹霞拂層閣碧水泛
蓬萊鰲岫含煙聳蓮崖照日開松門夾細葉石磴染新
苔能令平子見淹留未肯回 蕭慤奉和望山應教詩
曰仙遊本多趣復此上秋初巖低石倒險嶺高松更疎
峰形疑鳥翅塞路似狼居矚望情無已詞殫意有餘

隋李德林詠山詩曰登嶺望重關腰珮且鳴環天河臨
易飲月桂近將攀王母仙山至夫人南嶽還何必陽臺
下要待夢容顏 隋劉斌詠山詩曰雪山峙千仞蔽日
且嵯峨紫蓋雲陰遠香爐煙氣多石梁高鳥路瀑水近
天河欲知聞道里別自有仙歌 唐太宗詠小山詩曰
近谷交縈藥遙峰對出蓮徑細無全磴松小未含煙
增唐李嶠詠山詩曰山嶺鬱氤氲峩峩上翠氛泉飛一
道帶峰出半天雲石壁丹青色新花錦繡文已開封禪

禮希謁聖明君 唐崔仲方小山詩曰崑丘本難步軒

臺不易朝還往麟洲上時聽鳳凰簫霞觀文犀簞香林
碧玉條且學燒丹甑何假摘靈桃 唐杜甫白鹽山詩

曰卓立羣峰外蟠根積水邊他皆任厚地爾獨近高天
白勝千家邑清秋萬里船詞人取佳句刻畫始堪傳

又丈人山詩曰自為青城客不唾青城地為愛丈人山
丹梯近幽意丈人祠西佳氣濃緣雲擬住最高峰掃除
白髮黃精在君看他時冰雪容 唐李白天門山詩曰

迴出江上山雙峰自相對岸映松色寒石分浪花碎參
差遠天際縹緲晴霞外落日舟去遙回首沉青靄 又

登峨眉山詩曰蜀國多仙山峨眉邈難匹周流試登覽
絕怪安可息青冥倚天開彩錯疑畫出冷然紫霞賞果
得錦囊術雲間吹瓊簫石上弄寶瑟平生有微尚歡笑
自此畢煙容如在顏塵累忽相失倘逢騎羊子攜手陵
白日 唐劉長卿洞陽山詩曰舊日仙成處荒林客到
稀白雲將犬去芳草任人歸空谷無行徑深山少落暉

桃源幾家住誰為掃荆扉 唐權德輿玉山嶺詩曰悠

悠驅匹馬征路上連岡晚翠深雲竇寒苔淨石梁荻花

偏似雪楓葉不禁霜愁見前程遠空郊下夕陽 唐林

璠入北山詩曰整駕俟明發逶迤歷險途天形逼峰盡

地勢入谿無樹遶圓潭密雲橫疊嶂孤誰憐後時者六

月未南圖 唐白居易商山仙娥峰詩曰我為東南行

始登商山道商山無數峰最愛仙娥好參差樹若插

匣雲如抱渴望寒玉泉香聞紫芝草青巖屏削碧白石

牀鋪縞向無如此物安足留四皓感彼私自問歸山何
不早可能塵土中還隨衆人老 唐項斯山中詩曰青

櫪林深亦有人一渠流水數家分山當日午移峰影草
帶泥痕過鹿羣蒸茗氣衝茅屋出縑絲聲隔竹籬聞行
逢賣藥歸來客不惜相隨入白雲 唐李頻尋山詩曰

一徑入雙崖初疑有幾家行窮人不見坐久日空斜石
上生靈草泉中落異花終須結茅屋向此學餐霞 宋
梅聖俞望山詩曰北望直百里峩峩千仞青斷虹迎日

盡飛雨帶龍腥陰壑煙雲畜陽崖草木靈登臨終不厭
時許到茲亭 宋王庭珪山行詩曰緩鞚青絲馬不嘶
青山草長靜柴扉迸林新筍斑斑出隔水幽禽款款飛
雨過泉聲鳴嶺背日長花氣撲人衣雲藏遠岫茶煙起
知有僧居在翠微 明潘定王山行詩曰丹地轉嶙峋
山寒未覺春枯藤懸古木獨鳥啖行人崖斷才分逕雲
低欲拂巾漸看天路近下界積微塵

原吟晉夏侯湛山路吟曰夙駕兮待明陟山路兮遐征

冒晨朝兮入大谷道逶迤兮嵐氣清攬轡兮抑馬跼蹐
兮曠野曠野驅兮寥落崇岳兮嵬嶢丘陵兮連離卉木
兮交錯淶水兮長流驚濤兮拂石 宋謝莊山夜憂曰
庭光盡山明歸流風乘軒卷明月緣河飛澗鳥鳴兮夜
蟬清橘露靡兮蕙煙輕凌別浦兮值魚躍經喬林兮遇
猿驚南臯別鶴佇行漢東鄰孤管入青天沉疴白髮共
急日朝露過隙詎賒年年去兮髮不還金膏玉液豈留
顏迴舫拓繩戶收櫂掩荆關

增歌唐顧況苔蘚山歌曰野人夜夢江南山江南山深
松檜間野人覺後長歎息帖蘚黏苔作山色閉門無事
任盈虛終日欹眠觀四如一如白雲飛出壁二如飛雨
巖前滴三如騰虎欲哮咆四如懶龍遭霹靂嶮峭嵌空
潭洞寒小兒兩手扶欄杆

原賦魏劉楨黎陽山賦曰自魏都而南邁迄洪川以竭
休想王旅之旌旄望南路之遐脩御輕駕而西徂過舊
塢之高區爾乃踰峻嶺超連岡一登九息遂臻其陽南

陰黃河左覆金城青壇承祀高碑頌靈珍木駢羅奮華
揚榮雲興風起蕭瑟清泠延首南望顧瞻舊鄉桑梓增
敬慘切懷傷河源汨其東逝陽烏飄而南翔觀衆物之
集華退欣欣而樂康 晉潘岳登虎牢山賦曰辭京輦

兮遙邁將遠遊兮東夏朝發軔兮帝傭夕結軌兮中野
憑脩坂兮停車臨寒泉兮飲馬眷故鄉之遼隔思紆軫
以鬱陶步玉趾以升降陵汜水而登虎牢覽河洛之二
川眺成平之雙臯崇嶺騶以崔萃幽谷豁以寥寥路逶

迤以迫隘林廓落以蕭條爾乃仰蔭嘉木俯藉芳卉青
煙鬱其相望棟宇懍以鱗萃彼登山而臨水固先詰之
所哀矧去鄉而離家邈長辭而遠乖望歸雲以歎息腸
一日而九迴良勞者之詠事爰寄言以表懷 晉郭璞
巫咸山賦曰蓋巫咸者實以鴻術為帝堯醫生為上公
死為貴神豈封斯山而因以名之乎伊巫咸之名山崛
孤傳而傑峙體岑峭以隆頽冠崇嶺以峻起配華霍以
助鎮致靈潤乎百里爾乃寒泉懸涌浚湍流帶林薄叢

籠幽蔚隱藹八風之所歸起遊鳥之所喧會潛瑕石揚
蘭蒨迴翔鷁集凌鷁鷁翳禽鳥栖陽以晨鳴熊虎窟陰
而夕嘒 梁江淹江上之山賦曰挂青蘿兮萬仞豎丹
石兮百重嵯峨兮崑崙如斲兮如削波潮兮吐納嶠岸
兮積沓見紅草之交生眺碧樹之四合草自然而千華
樹無情而百色嗟世道之異茲牽憂患而來逼 梁吳
均八公山賦曰峻極之山蓄聖表仙南參差而望越北
邈迤而懷燕爾其盤桓基固含陽藏霧絕壁嶮巖層巖

迴互挂皎月而常團雲望空而自布袖以華閭帶以潛
淮文星亂石藻日流階若夫神基巨鎮卓犖荆河箕風
畢雨育嶺生峨高岑直兮蔽景脩坂出兮架天以迎雲
而就日若從漢而迴山露泣葉而原淨花照磯而岫鮮
促嶂萬尋平崖億絕上被紫而煙生傍帶花而來雪維
英王兮好僊會八公兮小山駕飛龍兮翩翩高馳翔兮
沖天陳張正見山賦曰何神山之峻美諒苞結之所
成東垂曰秦南服稱衡西戎所擅北狄標名於是克值

洪流滔天襄陵禹敷水土奠高刊木衆川既導羣嶽自
脩潛通四瀆鎮壓九州森羅辰象吐吸雲霧深不可測
遠不可步於廓靈山長為作固爾其為狀也則武當太
和武功太白崑崙五門扶寧三石峰高一萬峭峙三百
登而眺之則千里無極俯而臨之則萬仞難測映白鶴
而同高混青天而共色 晉潘尼西道賦曰異山河之
岨阨倦關谷之盤紆車低徊於潛軌馬佗倏於險塗狗
肘還勾羊角互戾勉窟連投十數億計石子之澗坎埒

之穴支體為之危竦形骸為之疲曳此亦行者之艱難
羈旅之困弊若其名坂則羊羹八特成臯黃馬迴波激
浪飛沙飄瓦馬則頓躓狼傍虺頽元黃牛則體疲力竭
損食喪膚跼蹄穿領摩髓脫軀 唐太宗小山賦曰何

四序之交運轉三陽之暮時風辭暄而入暑樹替錦而
成帷想蓬瀛兮靡覲望崑閬兮難期抗微山於綺砌橫
促嶺於丹墀啓一圍而建址崇數尺以成坏既無秀峙
之勢本乏雲霞之資承墜宇之殘雷挂低空之斷絲爾

乃參差絕巘威紆短逕風暫下而將飄煙纔高而不暝
寸中孤嶂連還斷尺裏重巒歆復正岫帶柳而合雙眉
石澄流兮分兩鏡爾其移芳植秀擢幹抽莖松新翠薄
桂小丹輕細影雜兮俱亂弱勢交兮共縈纔有力以勝
蝶本無心而引鷺半葉舒而巖暗一花散而峰明何纖
微之同景亦卑細以相成於是換浮歡於沉思賞輕仁
於勝地俯蟻垤而有餘仰終南而多愧非為固於九折
庶無虧于一簣聊夕翫而朝臨足攄懷而蕩志 增唐

許敬宗掖庭山賦曰命世作弼含章挺英允文允武惟
誠惟明聽甘棠之暇隙想叢桂之幽情瞰浮雲而志遠
瑩寒井而神清乃命僕夫整駕山隅騰鳴笳於通谷擁
飛蓋於高衢逍遙仁智之境放曠道德之區造中天而
式宴陵倒影而為娛星懸珠網日對金鋪雲承綺棟霓
縈繡樞既而近矚玲瓏遠眺溟濛隔翠微而半顯歷丹
穴而纔通等玉京之仙化作銀闕之神功於時百卉敷
榮六合清朗霞澹水而川媚風飄林而澗響聳絕壑之

千尋挂懸流之萬丈蔽日月而孤峙吐雲霓而秀上循
折坂而遭迴躡危嶠而來往鑿離暉于石鏡法瑞露于
雲掌爾其花藥紛披蹊徑參差舒英冒渚擢幹臨崖乍
莽蒼而橫植忽葑茸而倒垂扇晨飈而裊裊含宿霧而
猗猗蔭町疇之毛羣哢間關之羽族或相賀於薨棟或
競馳於原陸駒食藿而馴場鶯含桃而出谷德澤加於
飛走榮光周於草木日云暮時稍闌暢神襟而體物紀
盛跡以濡翰發詞林之華藻瀉筆海之波瀾命小臣而

並作賦大雅而承歡辭曰芳園兮鬱鬱高岫兮峩峩君
王兮遊豫軒蓋兮輕過花同林兮異彩鳥各嘯兮相和
野獸鳴兮應鐘石山英開兮間綺羅侍荆臺之入夢舞
洛汭之淩波懸清暉於日月同眉壽於山河 唐周鉞
土積成山賦曰彼山之峻兮稟氣而成此山之峻兮積
壤所營何人功之彙聚致丘壑之崢嶸始見一抔已見
進於吾往終成九仞還宜景行而行當其率性作勞因
高立趾將覆簣而可久念極天而有俟道既長而彌專

力雖勤而未已於是資地勢建土功區區而日不暇給
矻矻而樂在其中以不拒物為心因成高大以不讓塵
為德遂致穹崇所謂從微而至著有感而必通致峰巒
而因人立跡倖造化而與古爭雄

原贊晉庾肅之山贊曰懸巖沓翳神明攸居官府風雲
懷吐川渠崑閬天聳五嶽雲停飛峰紫蔚辰秀太清

晉戴逵山贊曰蔚矣名山亭亭洪秀並基二儀堯焦雲
構嵯峨積岨寥籠虛岫輕霞下拂神泉旁漱曰仁奚樂

唯茲比壽 晉郭璞炎山贊曰木含陽氣精構則然炎之無盡是生火山理見乎微其妙在傳

原銘晉張載劔閣銘曰巖巖梁山積石峩峩遠屬荆衡近綴岷嶓南通邛夔北達褒斜狹過彭碣高踰嵩華惟蜀之門作固作鎮是曰劔閣壁立千仞窮地之險極地之峻世濁則逆道清斯順閉由往漢開自有晉秦得百二并吞諸侯齊得十二田生獻籌矧茲狹隘土之外區一人荷戟萬夫超趯形勝之地非親勿居昔在武侯中

流而喜山河之固見屈吳起興實在德險亦難恃洞庭
孟門二國不祀自古迄今天命匪易憑阻作昏黜不敗
績公孫既滅劉氏銜壁覆車遺軌罔或重跡勒銘山阿
敢告梁益 晉湛方生靈秀山銘曰巖巖靈秀積岨幽
重傍嶺關岫乘標挺峰桂柏參幹芝菊亂叢翠雲夕映
爽氣朝蒙籠籠疎林穆穆間房幽室冬暄清蔭夏涼神
木竒生靈草真香雲鮮其色風飄其芳可以養性可以
棲翔長生久視何必仙鄉 梁簡文帝行雨山銘曰巖

畔途遠阿曲路深猶云息馭尚且抽琴茲峰獨擅嶽崎
千變卻統畫房前臨寶殿玉岫開華紫水迴斜谿間聚
葉澗裏縈沙月映成水人來當花藤結如帷磧起成基
芸香馥逕石鏡臨墀 又明月山銘曰迢遞峰長威紆
嶽聚既正書門兼同天柱非競小山寧論大庾豈學士
龍詎須石鼓緌色斜臨霞文橫豎 梁孝元帝東宮後
堂僊室山銘曰太華削成本擅竒聲峰如雪委嶺若蓮
生雲除紫蓋霞通赤城金壇是錄玉記題名鳳依桐樹

鶴聽琴聲殿接南箕橋連北斗秋河從帶春禽銜綬朱

鳥安窻青龍作牖 梁庾肩吾東宮玉帳山銘曰玉帳

寥廓崑山抵鵲總葉成帷連枝起幕玉蘂難徙金花不

落隱士彈琴僊人看博巖留故鼎竈聚新荆煮石初爛

燒丹欲成桑田屢盡海水頻傾長聞鳳曲永聽簫聲

周庾信梁東宮行雨山銘曰山名行雨地異陽臺春人

無數神女羞來翠幔朝開新妝旦起樹入牀前山來鏡

裏草色衫同花紅面似開年寒盡正月遊春天絲劇藕

蝶粉多塵橫藤礙路垂柳低人誰言洛浦一箇河神

陳徐陵後堂望美人山銘曰高堂疑雨洛浦無洲何處
相望山邊一樓峰因五婦石是三侯險逾地肺危陵天
柱禁苑斜通春人恒聚樹裏聞歌枝中見舞恰對妝臺
諸牕併開遙看已識試喚便迴豈如織女非秋不來

增唐高宗玉華宮山銘曰順請峒山鑄芳金石道光軒
駕聲流姬迹矧此崇巖介通帝室峻侔銅柱祥韜金碧
飲渭南通鳴岐西格炎生肇授彤暑初融高明叶序卜

揆裁宮鳳標銜露鳥跂捫空丹谿繚繞璇樹玲瓏逕分
餘雲嶺界斜虹流光縟景清籟嘶風波移控鯉雲飛御
鶴沉沉松嶝萋萋蘭幄霧宿重巒寒生洞壑峰高鳥路
月對林垂交藤散綠懸鏡成規鵷歸繞薜鳳下標椅崖
依注蘚池涵卷施廣運堯心式昭夏諺端靈養白申歌
秘殿茵閣流霜椒臺凝霰玉榮則賞瑤池肆宴福壽無
疆華封斯薦

原碑梁簡文帝神山碑銘曰關號天井山稱地雌碧雞

金馬越瀆梁池懷靈蘊德孕寶含奇此亦仙岫英名遠
摘昔有驚窟不燒淨土邁彼高蹤構茲法宇引葉成帷
即樹為柱石砌危橫崖階斜監梁元帝玄圃牛渚磯
碑曰竊以增城九重僊林八樹未有船如鴈鶴時度安
妃橋似牽牛能分織女丹鳳為羣紫柱成列清風韻響
即代僊歌桂影浮池仍為月浦璧月朝暉金樓啓扉畫
船向浦錦纜牽磯花飛拂袖荷香入衣山林朝市併覺
忘歸

原序宋謝靈運名山序曰夫衣食人生之所資山水性
分之所適世識多云歡足本在華堂枕巖漱流者乏於
大志故保其枯槁余謂不然君子有愛物之情有救物
之能橫流之弊非才不理故時有屈己以濟彼豈以名
利之場賢於清曠之域耶陶朱高揖越相留侯願辭漢
傅推此而言可以明矣 增唐王勃越州秋日宴山亭
序曰昔王子敬琅邪之名士常懷習氏之園阮嗣宗陳
留之俊人直至山陽之坐豈非琴樽遠契必兆朕於佳

辰風月高情每留連於勝地是以東山可望林泉生謝
客之文南國多才江山助屈平之氣況乎揚子雲之故
地巖壑依然宓子賤之芳猷弦歌在屬紅蘭翠菊俯映
砂亭黛柏蒼松深環玉砌參差夕樹煙侵橘柚之園的
歷秋荷月照芙蓉之水既而星迴漢轉露下風高銀燭
掩花瑤觴抒興一時仙馭方深擴俗之懷五際飛文遂
動緣情之作人分一字四韻成篇

原書梁吳均與施從事書曰故鄣縣東三十五里有青

山絕壁干天孤峰入漢綠嶂百重青川萬轉歸飛之鳥
千翼競來企木之猿百臂相接秋露為霜春蘿被逕風
雨如晦雞鳴不已信足蕩累頤物悟衷散賞 又與朱

元思書曰風煙俱淨天山共色從流飄蕩任意東西自
富陽至桐廬一百許里奇山異水天下獨絕水皆縹碧
千丈見底游魚細石直視無礙急湍甚箭猛浪若奔夾
峰高山皆生寒樹負勢競上互相軒邈爭高直指千百
成峰泉水激石泠泠作響好鳥相鳴嚶嚶成韻蟬則千

轉不窮。援則百叫無絕。鳶飛戾天者。望峰息心。經綸世
務者。窺谷忘返。橫柯上蔽。在晝猶昏。疎條交映。有時見
日。

御定淵鑑類函卷二十四

欽定四庫全書蒼要卷一萬一千四百七十三

子部

御定淵鑑類函卷二十五

地部三

岡

峴

巖

峽

洞

岡一

原爾雅云山脊曰岡 增釋名曰岡亢也在上言也

原毛詩曰陟彼高岡我馬元黃 增又曰如山如阜如

岡如陵 又曰陟彼岡矣瞻望兄矣 又曰鳳皇鳴矣

于彼高岡 又曰謂山蓋高為岡為陵 尚書曰火炎

崑岡玉石俱焚 原地理志曰秦望氣者云東南有天

子氣使赭衣徒鑿雲陽縣北岡改名曲阿 又曰天門

零陽縣有半石岡岡上有石名僊人樓 山謙之丹陽

記曰句容縣東三十里有龍岡岡頂有龍沸潭周十三

丈聞人聲水便沸動常日則不動 劉楨京口記曰城

北四十餘里有小岡高二丈許有人鼻形著岡西頭有

口在上而鼻在下方圓數尺狀如焦土古老相傳因名

下鼻今無復鼻厥口猶在 王韶之始興記曰郡西南

有芙蓉岡高若玉山鄰枕郊郭可四十餘里 又曰含

淮縣白鹿城南有白鹿岡晉咸和中縣令張魴有德惠

白鹿羣遊岡上因以為名 雷次宗豫章記曰洪井西

有鸞岡舊說洪崖先生乘鸞所憩之處也 顧微廣州

記曰四會縣有金岡行人往往見金于岡側 裴氏廣

州記曰城北有馬鞍岡秦時瞻氣者言南方有天子氣

始皇發民鑿破北岡地中出血鑿處猶在 又曰增城

縣有雲母岡日出照之晃耀 武昌記曰城北有岡高

數丈名為鳳闕其處顯敞升闕以望川澤多所遠瞻吳
黃龍元年有鳳皇集此岡故謂之鳳闕鳳闕南十里有
金牛岡古老相傳云有金牛出此岡岡今半崩坑深數
丈牛踐岡邊遺跡猶存 王孚安城記曰萍鄉西津里
南五里山名玉女岡天氣當雨雲輒先涌出石間而有
五色玄黃百姓謂之玉女披衣 鄧德明南康記曰陳
蕃墓有青龍岡土人傳曰昔見一物龍形而通身純青
數出此岡頂故因以為名 又曰贛縣有馬脊岡其形

如馬脊故以為名也 衡山記曰衡山有曾青岡出曾

青可合僊藥有靈壽岡多靈壽木 相冢書曰冢前左

右有小岡如投算相連數里名為導引岡葬之出富貴

又曰經言葬遇沈岡遠至二十年皆絕世無後葬遇

浮岡隨世浮沈著土必安終無災厄葬遇飛岡奕世富

貴亦出神仙 增荊州記曰零陵郡東南有黃溪黃溪

西有樊石岡 郡國志曰久留岡昔太守衛諷罷郡還

都故老送別久留此岡因名 又曰顯朝岡在鬱平縣

陸績制渾儀處 隋圖經曰歷陵縣西十里有十子岡
寶山也而高大有冢如硯子世謂之硯子冢是趙簡子
冢也石虎令人發之初得炭深一丈得連木版原高八
尺次得流泉水水色清冷非常以牛皮為囊作絞車以
汲之一月而水無極乃止築城繞之氣成樓閣 酈道
元水經注曰蓼水出襄國石井岡岡上有井大如輪隋
區宇圖志云此井光武營軍所鑿傍有荆棘生皆蟠縈
如人手結云是光武繫馬處 鄱陽記曰大雷岡在縣

東北後漢雷義字仲公所居

岡二

增鳳皇

鷺鷥

潛確類書曰鳳皇岡在福州府侯官縣洪塘南頭起城南三十里尾起城西二

十里

又曰鷺鷥岡

在通許縣東南相傳有彩色鳳集

其上故名按皇畿注是邑極平曠民有老而不識山者

環邑之岡綿亘數里

民患水故徧居焉

青龍

白鹿

又曰青龍岡在南安府大庾縣大磬

邨以頂有青龍見故名上有石時放光明號鏡石郡國

志云徐道覆欲上青龍岡大雷繞身雷震而止

下詳

前一

鳳鳴

龍卧

上詳前一七里有卧龍岡起自嵩山之南綿亘

數百里至此截然而住回旋如燕巢然諸葛武侯草廬在內時人目侯為卧龍因名其岡云其下平田如掌即

侯躬耕處也
其跡猶存

彩鸞神龜

潛確類書曰翔鸞岡在南
昌府西一名彩鸞岡上有

會仙亭故址彩鸞晉吳氏女也同其父猛上昇至唐太

和末年下降遇書生文簫于此又曰神龜岡在建昌

府南豐縣東北王侍宸尸解之處按侍宸名文卿字安

道南城人少遊方外將渡揚子江遇瞑館一老姬家見

紫上異書因得縱鈔至天明乃息在樹下初無館舍也

既渡復遇人自稱玉府火師授以秘文自是法術有驗

及應召還山斂法書劍

印藏之軍峰石室而去

千仞

三垂

左思詠史詩曰
振衣千仞岡濯

足萬里流五代史曰李克用破邢州還至上黨置酒

三垂岡伶人奏百年歌時莊宗五歲克用指之曰此奇

兒也後廿年其代我戰此乎後莊宗兵至三

垂岡歎曰此先王置酒處也進兵大破梁軍

望海

落星

潛確類書曰望海岡在肇慶府陽江縣南十里登
之可望海又曰落星岡在應天府西北李白以

紫綺裘換酒飲
落星石即此

岡三

原斑竹岡

江陵記云州城五十里有楚平王冢斑竹岡

黃龍岡

相冢書曰黃龍岡利

宮商也

黑龍岡

又曰黑龍岡利缺也

龍岡

廬山記云廬山有龍岡

鳳

岡

荊州記云潯陽縣東南有鳳岡四十里古老相傳云昔鳳產乳其上

長岡

京口記云有龍目湖

秦始皇東遊觀地勢云此有天子氣使赭徒三千人鑿此三湖見長岡因名丹徒

增鹿城岡

名勝志云鹿城岡在順德府城北十五里舊邢侯欲築城于此立標已定有鹿銜標于今處遂移焉

金

栗岡

唐舊紀云明皇謁五陵至橋陵見金栗山岡有龍蟠鳳翥之勢謂侍臣曰吾千秋萬歲後宜葬此地

得奉先陵

青岡

晉紀云苻堅敗至青岡聞風聲鶴唳皆以為晉兵

武岡

郡國志云武岡

在寶慶府武岡州有丹砂井

黃岡

潛確類書曰從黃州府黃岡縣城南

傍即真人廖立之故宅也

度潦塹綿亘而行平岡迤邐其土黃色即

瀧岡

又曰在吉

蘇子瞻赤壁賦所云與客過黃泥之阪也

安府永豐縣鳳皇山側

午岡

又曰午岡在吉安府吉水縣西五桂連延而其

歐陽脩瀧岡阡表即此

一獨聳世傳楊仙師飛昇處仙師故

銀岡

又曰銀岡在吉安府

宅在岡下環宅左右不產螺鰍之屬

永寧縣發脉于鷲嶺連接七溪有萬馬騰驤

鈴岡

又曰

之勢每白霧橫玉潭水澄碧為此方之大觀

鈴岡在分宜縣山勢特出登之

聖井岡

又曰聖井岡在臨城東北

則舉邑在目上有泉可療疾

岡上有井冬夏不竭

鐵柱岡

又曰鐵柱岡在淮安府鹽城縣北門外濱海故老相

竭遇旱禱之立應

傳秦皇繫馬柱也或云濱海多蛟龍性畏鐵作此鎮之

臙脂岡

又曰臙脂岡在登州府蓬萊縣

春時桃李開花爛熳如臙脂故名或云土石色紫赤似之

華子岡

又曰輞川別墅有華子岡

吉錢岡

又曰吉錢岡在贛州府信豐縣土色赭而圓如錢故名

歌舞岡

又曰歌舞岡在

廣州府番禺縣郡國志云趙佗三月三日登高于此

英靈岡

又曰英靈岡在雷州府城北相傳雷

出于此國史補云雷州春夏多雷秋日則伏地中其狀如龜或取而食之

蛇黃岡

又曰蛇黃岡在

潯州府平南縣岡勢盤紆出蛇黃可敷腫毒尤治小兒驚癇

岡四

原詩宋謝靈運入華子岡麻源第三谷詩曰南州實炎

德桂樹凌寒山銅陵映碧澗石磴寫紅泉既枉隱淪客

亦棲肥遯賢遂登羣峰首邈若騰雲煙羽人絕髣髴丹

丘徒空筌圖牒復磨滅碑版誰聞傳莫辨百代後安知

千載前且申獨往意乘月弄潺湲 增唐王維華子岡

詩曰飛鳥去不還連山復秋色上下華子岡惆悵情何

極 明胡翰卧龍岡詩曰蜿蜒卧龍岡高出列雉背審

曲立萬楹增雄踰九陞飛棋臨丹霞交疏發清吹上極

高明居下有深幽隧摩挲岡頭石零落重奎字山川一

何幽蒼莽鴻飛外

原賦宋傅亮登龍岡賦曰靜潛處以永念聊駕言以寫
憂蒙旭露而夙軫稅余轡於龍丘南臨平隰西際荒疇
比宇連薨幽榛四周眺江都之廣筵究川陸之迴脩羨
翔羽之嬉林樂綠蘋之在流乘清漪以汎濫翳稠枚而
命仇信遂生之有所何怵迫於人尤

峴

增大峴

晉書劉裕伐燕或曰燕人若塞大峴之險若何

原鷺鷥峴

齊道記黃丘北十里

有鸞鷟峴下帶長澗東北流經牛山

青沙峴

從征記青沙峴一名小峴

白石峴

京口

記去城九里有白石峴山東皆白石也

銅冶峴

齊地記萊蕪谷有銅冶峴古鑄銅處

石

鼓峴

武昌記城東南有金牛岡西有石鼓峴

翻車峴

江乘地記城東四十五里竹里山王

途所經甚傾險行者號為翻車峴

兔頭峴

續述征記兔頭峴雖無險峭然連林修阪數十里

巖一

增說文云巖崖也山邊謂之崖

尚書說命曰夢帝賚

予良弼其代予言乃審厥象俾以形旁求于天下說築

傳巖之野惟肖爰立作相王置諸其左右 晉書曰許

詢移居臯屯之巖常與沙門支遁及謝安石王羲之等
同遊往來今臯屯呼為許度巖 又曰顧愷之為謝鯤
像坐石巖裏云此子可置丘壑中 齊書曰徐伯珍宅
南九里有高山班固謂之九巖山後漢龍丘長隱處也
山多龍鬚檉柏望之成五采世呼為婦人巖 原潯陽
記曰赤山崖峻壁上多靈巖生僊菜邨人恒採之也
嵩高山記曰少室山大巖中有一石室云有自然經書
自然飲食室前有一石柱象承露盤上有石脂滴滴流

下服之一合壽與天地同畢 盛弘之荊州記曰平樂

縣有山臨水巖間有兩目如人眼極大瞳子白黑分明

名為目巖 又曰始興機山東有兩巖相向如鴟尾石

室數十所經過皆聞有金石絲竹之聲 鄭緝之東陽

記曰北山有春草巖根竹巖僊姥巖不生蔓草盡出龍

鬚尤多藥物 增南康記曰陽道士葬巖室臨終語弟

子等可送吾尸置彼石室中巾褐香爐此外無所須也

葬數年猶儼然如生今舟行者過其山渚長聞香氣咸

歎異焉 鄱陽記曰香巖在貴溪縣東五里舊名腥腥
巖昔術者許旌陽見蛇於此巖下因此名焉後人惡其
名遂改香巖 又曰弋陽嶺上多蜜巖元嘉中有人見
巖間有三鐵鑊可容百斛中生蓮花他日往尋不知所
在 國老閒談曰魯宗道為執政營一小室畫山水朝
退獨坐曰退思巖 水經注曰桂陽有山盤紆數百里
有赭巖迭起冠以青林與雲霞亂采山上有白石英山
下有平陵有大堂基耆舊云堯行宮所 又曰九疑山

基盤蒼梧之野峰秀數郡之間羅巖九舉各導一溪岫
壑負阻異嶺同勢又曰廬山山川明淨風澤清曠嘉
遁之士繼響窟巖秦皇漢武及太史公司馬遷咸升其
巖望九江而眺鍾彭焉

山巖二

增醉仙

卧佛

潛確類書曰醉仙巖在鞏昌府成縣南連鳳皇山有仙像在崖壁如世人所畫

醉仙狀

又曰卧佛巖在重慶府彭水縣巖石欹懸生一竅甚圓仰窺之又生一竅其石虛明有橫石一塊眉

目宛然如如來佛曲肱枕卧時之像也

斑竹

蟠桃

又曰斑竹巖在長沙府茶陵州南巖

際生斑竹相傳舜葬九疑二妃尋至湘水以手灑淚成斑色又曰蟠桃巖在岳州府慈利縣七姑山下巖洞

中有石乳結成佛

像及石牀鹿項

辛女任公

又曰辛女巖在辰州府盧溪縣大江之左

有石屹立如人相傳高辛氏女于此化為石又曰任

公巖在福寧州與柘洋相連昔任公棲隱于此巖後有

懸崖上猶存

翠雲甘露

又曰翠雲巖在永安一名侍郎巖宋侍郎張駕祭酒

任公手書

楊時司諫陳瓘讀書于此又曰甘露巖在泰寧縣石

門天成一徑僅通單騎飛瀑垂巖而下甚甘宋時有僧

倚巖架層樓疊閣捫蘿而上俯瞰溪

流一碧萬頃探幽者以不易到為恨

壺公謝客

又曰

壺公巖在南豐縣壺先生嘗委蛇此巖又曰謝客巖

在華蓋山東南謝靈運書白雲曲春草吟于崖上今尚

存謝客巖

獻花湧翠

又曰獻花巖在應天府祖堂

三篆字

又曰湧翠巖在餘杭大滌山前峭壁湧起高二丈廣三丈其上花翠玲瓏奇怪萬狀有石乳焚之極香

浮石

積書

又曰浮石巖在崇仁三巖鼎立中貫一溪可容舫宋尚書何異闢為山莊表其勝蹟

五十五所題曰三山小隱理宗書襄菴二大字賜之異揭于方壺室洪邁有記

積書巖詳見山一

石

燕

玉琯

又曰石燕巖在長汀縣寨宇記云昔有飛燕頤頤偶遇驟雨燕集石上頃之皆化為石

又曰玉琯巖在永州府寧遠縣舜祠側漢哀帝時零陵郡文學奚景得玉琯十二于此今舜祠後石室是也

注米

滴水

又曰注米巖在會昌深廣二丈伏虎禪師駐錫處有小竇相傳出米隨人多寡

可給後人鑿之僅有流泉 又曰滴水巖在陝西文縣城北亂山矗立劃開兩峰如丫髻飛泉千尺置槽引之以給居人又遠為飛叩洞上清洞其高接天深邃並不可窮又浙江新昌縣有滴水巖巖下清泉一滴烈日凍

雨皆無盈縮其味清甘甲于衆泉又有乳香
巖太師巖半壁有釣磯相傳任公子釣魚處

抱玉

會仙

又曰抱玉巖在湖廣承天府荊門州西北有潛玉
亭址即楚卞和采璞處也 又曰會仙巖在武昌

府通山縣南高五丈深七尺懸石若鐘鼓叩之有聲巨
石如牀昔樵者見有挂錫端坐其上者頃即不見疑以
為仙人云

巖三

增燕巖

山堂肆考曰燕巖在山西太原府壽陽西山多蟄燕因以名山曰燕巖

花巖

詳山

靈巖

山堂肆考曰靈巖在吳縣西上有石馬望如人
騎吳王館娃宮響屧廊香水溪玩花池在焉

月巖

天中記曰杭州鳳皇山下瞰大江直望海門勢
若鳳皇欲飛之狀有石如片雲拔地高數丈巖

有一竅名曰月巖惟中秋之月穿竅而出十四十六則外此竅矣餘日尤斜

澹巖

在永州府城南

上有澹山寺樓殿隱石隙中風雨不能及四壁削成萬仞

明巖

在天台桐柏山下初入巖谷深邃石

竇嵌空樓閣半在巖間不復覆以茅瓦即石成

寒巖

巖洞口有帽影馬跡俗傳間丘傭委蛇于此

在台州府天台縣石壁高數百丈為屏為洞容數百人夏至不見日影一石甚方正乃寒山子晏坐處

蜜巖

史梁傳昭為臨海太守郡有蜜巖太守封固取其利昭下教勿封蜜巖

梅巖

在江西餘

干縣藏山上趙汝愚嘗讀書于此理宗為題梅巖二字

石巖

在樂安望之如梁曰石橋其下空曠

軒豁可以遊觀前有石竈出泉五色後有大石肖人小石肖牛鼻俗呼牛鼻巖傍有動石風作則運動如輪

宣巖

在汀州府長汀縣巖洞幽窈泉清木茂宋崇觀間邑人宣明嘗貢辟雍不樂仕進歸隱于此郡

守謝詞雅重其人榜曰宣巖

西巖

在寧化縣登石梯而上石筍屹立如門上有石乳下有垂泉消

涓自乳而下滴于筍末毫髮不爽又有石宛然如龍當門之頂其中空洞如砥可坐千人

東巖

在寧

化縣中有數石室始入隱隱若有人形諦視則無謂之山影洞傍有石蓮數朶大如車輪左有石龕藏經謂之經龕又有石如壺高可二丈寒泉湧出壺口皆成鍾乳下有芝田數區上有響石撞之如鐘西有石柱峻削如青琅玕其南有泉自石中出潺湲迅急復入于石縫不知所之

香巖

在大理府西點蒼山之半香從

空來世傳釋迦佛苦行地

荻藤巖

在安慶府太湖縣北

金谷巖

在桐城東八十里浮

山巖軒豁宏敞就石為佛閣不施瓦柱中有丈六金身像有青鳥一雙巢于巖時來時去聲如笙簧見之者云百餘年矣

會勝巖

在浮山石屋連蜷深邃幽杳前有達錄禪師塔有歐陽文忠公遺蹟浮山有三

十六巖此
二巖為最

金晶巖

在常州府宜興縣佛窟洞西巖
石晶瑩日光射之絢燦如金

松林巖

在廬州府六安州南一名高寮巖松柏蒼翠中
有佛子宮酷暑不熱隆冬不寒巖東石上多蘭

蕙

玉虹巖

在彰德府林縣支離巖東
下對白龍潭如一匹練

天井巖

在武安縣

巖石四圍如
井狀極險峻

定晉巖

在武安縣北懸崖百仞松柏蒼
蔚中藏梵刹風雨莫侵巖下有

池池畔有透影碑相傳
自池湧出至今猶存

蚪蚪巖

在登封縣漢張芝獲
蚪蚪古書于此因名

太白巖

在四川夔州府萬縣西山上有絕塵龕三字
在石壁上唐詩刻相傳李白讀書處

岑公巖

在夔州府萬縣大江之南石巖盤結若華蓋
左右方池有泉噴薄巖下如簾松篁藤蘿薈

蔚蒼翠記稱
神仙窟也

石龍巖

在衡州府臨武縣中有石如
龍狀因名歲旱時洗之即雨

高士巖

在永州府寧遠縣舜祠西舊名野豬巖昔有獵者見羣豕逐之入巖忽不見因得樂器一部無

為觀道士以獻之朝

丘順甫改名高士巖

仙跡巖

在杭州府餘杭縣大滌山石崖上有肩帔簪冠

之跡隱然而見不生苔蘚舊志秦始皇驅鬼兵塞海巖勢欲動忽有神人呵叱以身鎮之故有此跡

大

樓巖

在遂昌飛瀑四時不絕冬則凝結倒懸如玉浮屠下為龍湫者三十六其第四湫號龍井嘗有淨空

禪師振錫其側感黃龍出受戒禱雨輒應有獻楮錢無得過三百踰數則推出不受

了頭巖

在江

西弋陽有大石如人首而岐故名或題詩云何不當時嫁却休長教人喚作了頭後施達續云只因未有良媒在直到如今幾百秋

石僊巖

在江西南豐縣南唐昇元中張天師遠孫洞宣自龍虎山來聚石為

壇作石室方廣二十丈脩煉其中先是巖為神栖飛石擲人人不敢近洞宣篆符石壁上患始息今五指印掌

石上隱

龍成巖

在萬載巖深九房有石如列仙者以百數有如鐘者扣之鏗然有如硯如

墨如筆者巖水流注硯中墨橫其上筆閣其旁有石人坐白沙旁作鸞鹽狀或掃去頃之復積宋元祐間獵者逐獸至其處獲骨一具其頂

鐵石巖

在信豐二門相對中可容百人

穹然如角識者謂龍蛻也

又有石井龍巖昔龍穿而過見右爪歲旱

漢仙巖

在

昌舊名漢溪深廣數十丈相傳為秦王讀書處有石竇僅容一人匍匐而入至讀書堂又橫過石壁有石龍數

丈見者訝以為真又有古木一株大不盈握橫亘絕壁山風狂吼終古不墮俗謂之仙女掛降真又有鷹蹲僧帽羅漢龍頭故蘿蟾蜍天河天開諸石玉筍天竺二峰天開閣月鏡臺會仙亭金剛窟滴水池白龍漱萬松菴一線天白蓮池石罅泉石獅石龜笏

皇恩巖

在瑞金舊名月

碣仙人奕諸景人謂可匹閩之武夸

圓巖有龍穴水中二珠每秋際月澄珠時出游水際瑩瑩然亦神異也巖狀如魚橫闊十餘丈前有二潭曰龍

曰龜宋天聖中僧法明

結廬于此勅名皇恩

八仙巖

在福州府侯官縣

方壺巖

在永福巖中有二石室其下有泉淨照毫髮有紅魚腹下四足

蔡溪巖

在仙遊巖前巨石如雙闕

曰石門高三十餘丈廣百十丈其上洞壑幽深飛泉奔激一塵不到處也

靈惠巖

在大田拔地千

丈許內有廳事環坐數百人洞外衆峰森列如筍有泉出石罅間隨飲者多寡為盈縮曰聖泉巖名靈惠以此

百丈巖

在永安高約百丈周圍三重四面峭壁中有一徑陡絕其巔長冒雲氣開霽之時香爐獅

子諸峰悉

南安巖

在武平形如獅子中有二巖南巖窈窕虛明若室天成東巖差隘而

見于前

石龕猶

謙師巖

在漳州府龍溪縣鶴鳴山中宋時開元寺白衣僧從謙嘗遊此山見二貧

頌密

士對奕就之化為二鶴冲天而去餘一碁子取而食之因而辟穀不食乃坎石為室居四十餘年後遂仙去

錦石巖

在韶州府仁化縣崖中石壁五色間錯旁有小石洞號夢覺閣

湘水巖

在

西省城東俗呼聖水巖夜半則潮上巖日中則潮下巖每日如常地廣數十畝即水經注云潮汐塘也

牛龍巖

在興業南中可容千牛每冬則居民驅牛入巖以避寒又有龍蟄于此因名並潛確類書

巖四

原詩梁丘遲夜發蜜巖口詩曰弭櫂纔假寐擊汰已爭先
敞朗朝霞徹驚明曉魄懸萬尋仰危石百丈窺重泉
叢枝上點點崩溜下填填
增唐劉長卿斑竹巖詩曰

蒼梧在何處斑竹自成林點點流殘淚枝枝寄此心寒
山響易滿秋水影偏深欲覓樵人路蒙龍不可尋 宋

謝翱雨飲玲瓏巖下詩曰垂雲起嶽嶽衣被松與桂夜
含星斗光隱若金石氣雨來輒阻之不得撫蒼翠下有
桑門子飲用陶匏器盆中蓄海石左顧如牡礪疑此磧
上來不知幾年歲桑門却問客所居何姓氏回指南海
峰蒼茫儻一至 孫覲龍隱巖詩曰跳波觸石喧古木
抱崖擁老蛟厭泥蟠一笑作潭洞孤峰起蒼翠哀壑浩

呼洶腥風噤蛙淫凍雨落毛氄凜凜白晝寒瘴髮立盡

聳 元張翥一生巖詩曰初地靈峰下重來為講經神

應合掌受石亦點頭聽雲鶴隨飛益湖龍入淨瓶至今

花雨處長照一鐙青 明陳秀民靈巖詩曰寶殿壓崔

嵬華池頂上開山從太白出水自洞庭來閣道連珠塔

巖花照石臺吳王消暑地那得受塵埃 崔子忠滴水

巖詩曰入不知高下山春水似秋星河平地看雞犬半

天遊洞腹藏元氣山根養伏流白雲朝出宿知是統神

州 吳兆獅塔巖詩曰石罅置檐楹高低縱復橫臨深
暢幽意極險盡遊情火照潭心影經傳洞腹聲際睂巖
電射繞足澗霓生潛怪禪能伏啼鼯狎不驚欲窮前勝
處無路若為行

增銘唐呂溫傳巖銘曰赫赫湯德如火不滅滔滔商祚
如海不竭發祥播氣世祚聖哲國誕武丁野生傳說說
始胥靡武丁即祚德通神交忽夢如寤若帝導我期于
顓素有無之間邂逅相遇宵衣而起爰得其人貌符心

契如舊君臣飛龍在天山川出雲感激自致其間無因
捨築傳巖脫鱗鵬升作霖時和奮楫川程金在吾礪木
從吾繩君何言哉殷道中興元凱攀堯微舜孰階阿衡
干湯抱鼎徘徊會合之際厥惟艱哉何如夢中天授神
開惟賢是登道貴特達匪次勿用才其壅遏高宗得說
乃在恍惚揭銘摘光萬古不沒

增記明徐學謨遊貴溪仙巖記略云出龍虎山一里南
迫大溪溪水澄瑩可鑒毛髮巖凡二十有四總之名仙

巖云初一巖若三人頽然立水側拱客而前者曰三教
巖其一人俯而瞰溪者曰觀水巖巖之凹處置殿具數
處局木橫列差若貝齒或啓或閉或整或墜者曰仙倉
巖其下為酒甕巖有陶罌欹貯巖中東頭若古塚囊一
棺而暴其半者為仙棺巖其材色白他巖棺尤累累有
規形而銳首者其次曰藥羅巖有石磨一旁施藥羅即
今醫肆中所陳其次曰丹竈巖巖之故竈彷彿頽壞惟
敗塹壅之尚有水淋火煉之色其次為木屐巖石形如

屐綱其次曰杼機巖若轉空軸而待織者曰馬廐巖兩柱間懸一櫪若將秣焉曰鷹架巖一木橫之鷹已飛去而洩滓常積又其次曰染具杵臼二巖架軸舂碓之器亦宛然羅列曰仙樂巖山中常聞絲竹聲又若有物伏巖際跳梁驚躍是為獅子仙犬仙羊離列之為三巖由三巖而下為輾轆巖舊有尺木閣巖上外懸汲器以綆斂縱之有土爐一具旁羅諸鐵器者曰鐵爐巖雜委諸工料狼籍不除似將營室者曰泥料巖又有壑而舟橫

者竇而牀列者雖去人遠甚儼有形似其名曰仙船巖
曰仙牀巖惟栖真巖最高無他奇以其巍壯偉怪有重
樓複閣之勢故名其末為奕巖巖中設石碁枰若有
兩人對奕者足跡罕至

峽一

增漢書趙充國傳注云山峭夾水曰峽 原續漢書曰
虞詡為武都太守下辯東三十里有峽中有大石鄣塞
水流春夏憤溢輒敗壞城郭詡使人燒石以水灌之石

皆罅裂因鑄去遂無沈溺之害 庾仲雍荊州記曰巴

楚有明月峽廣德峽東突峽今謂之巫峽秭歸峽歸鄉

峽 素山松宜都記曰自西陵泝江西北行三十里入

峽口其山行周迴隱映如絕復通高山重嶂非日中夜

半不見日月也 鄧德明南康記曰雩都峽去縣百里

兩邊傍江江廣三十餘丈高嶺稠疊連巖峭峙其水常

自激湧奔轉如輪春夏洪潦經過阻絕 盛弘之荊州

記曰宜都西南峽中有黃牛山江湍紆迴途經信宿猶

望見之行者語曰朝發黃牛暮宿黃牛三日三暮黃牛
如故 又曰宜都宜昌縣三峽七百里兩岸連山略無
絕處漁者歌曰巴東三峽巫峽長 王韶之始興記曰
梁鮮二水口下流有溱陽峽長二十餘里山嶺紆鬱叢
流曲勃 又曰中宿縣有貞女峽峽西岸有石如人佇
立水際狀是女子是曰貞女父老相傳秦世有女數人
取螺於此遇風雨晝昏而一女化為此石 增水經注
曰丹山在丹陽屬巴丹山西即巫山者也帝女居焉宋

玉所謂帝之季女名曰瑤姬未行而亡封于巫山之陽
高唐之阻旦為雲暮為雨朝朝暮暮陽臺之下旦朝視
之果如其言故為立廟號朝雲焉其間首尾一百六十
里謂之巫峽蓋因山為名也 又曰涪陽觀峽下有廟
世人以為河伯晉時縣人有使至洛者使訖將還忽有
一人寄以書云吾家在觀前石間石上懸藤即其處也
但扣藤自當有人取之使者依其言果有二人出外取
書并延入水府衣不霑濡 又曰涇水東南逕都廬山

山路之中常聞彈箏之聲行者鼓舞樂而後去即絃歌
之山也故謂此山峽為彈箏峽 又曰西陵峽疊嶂秀
峰竒構異形難以詞敘林木蕭森離離蔚蔚乃在雲氣
之表仰矚俯映流連信宿令人忘返 又曰大巫山非
惟三峽所無乃當抗峰岷峨偕嶺衡疑其附翼羣山並
際青雲更就霄漢辨其優劣耳 郡國志曰南鄉峽峽
西八十里有巴鄉邨善釀酒故俗稱巴鄉酒也 隴西
記曰襄武有錦鏡峽即黑水所經其峽四望花木明媚

照影其中因名

峽二

增金堂石井

潛確類書曰金堂峽在四川金堂縣東南兩山挺峙河流其中相傳古望帝時

其相鬩靈所鑿

又曰石井峽在

鵬巢

鴈門

又曰鵬巢

臨洮府城北峽內有泉冬夏不竭

峽在平涼府城南兩山如峽羣鵬出入之所

又曰鴈

門峽在會昌以狀如鴈門而名兩岸高山中列三石破

江水為三道

空艖明月

又曰空艖峽在歸州夏秋水泛必空艖自歸州至長

又號三門峽

陽四百里內峽水奔流石磧險惡飛鳥不能

廣溪

栖又曰明月峽在夸陵州厓間白石如月

瞿塘

水經云江水又東逕廣溪峽注云斯乃三峽首也其間三十里頽巖倚木厥勢殆交北岸潛確類

書曰瞿塘峽在夔州府城東舊名西陵峽兩岸對峙中貫一江灇灇堆當其口乃三峽之門

金牛

靈羊

又曰金牛峽在寧羌州界一名五丁峽即秦惠王作石牛遺蜀處又曰高要縣高峽高百餘

仞周十里與爛柯山對峙舊傳山有靈羊每出鳴風雨隨至又號靈羊峽

峽三

增彈琴峽

在順天府居庸關水流石罅聲若調琴

希夷峽

在陝西西安府太華山即

陳搏蛻骨處其上類穴舊有垂鎖道士常攀以上見骨盛石函色微紅香甚後有人竊趾骨以去道士憤之斷其鎖希夷初隱武當有五老人來聽講易謂希夷曰吾輩日月池中龍也此非君所栖令閉目御風而行頃之已至華山之上

飛龍峽

在成縣仇池山下昔氐楊飛龍據此而名

金佛峽

在華亭縣

上有金裝石佛像
三在石厓內故名

鎖林峽

在臨洮府城南林木鬱森四封蔽塞因以名焉

琵琶峽

在巫山本志云琵琶峰下女子皆善吹笛嫁時羣女子治具吹笛唱竹枝詞送之並潛確類

書

花石峽

物類相感志曰階州峽中有石青質黑章其文有松柏人物溪橋水石山林之狀可

蜀為屏名

書院峽

一統志曰書院峽在梁山治東每風雨冥冥如聞讀書聲其中有夫

曰花石

子厓子貢填峽下有夫子坐卧石榻按

巴楚三峽

峽程

夫子子貢未嘗至蜀此必附會之說

記云三峽即明月峽巫山峽廣澤峽其有瞿唐滪瀨燕
子屏風之類皆不在三峽數此云三峽蓋指巫山為第

三峽非兼明

月廣澤而言

峽四

原詩齊劉繪入琵琶峽望積布磯詩曰江山信多美此
地最為神以茲峰石麗重在芳樹春照爛虹霓雜交錯
錦繡陳却瞻了非向前觀已復新翠微上虧景青莎下
拂津 謝朓和劉繪琵琶峽望積布磯詩曰昔余侍君
子歷此遊荆漢山川隔舊賞朋寮多雨散惆悵懷昔踐
髣髴得殊觀赭紫共彬駁雲錦相凌亂 梁簡文帝經

琵琶峽詩曰百嶺相迂蔽千峰共隱天橫峰時礙水斜
岸或通川 唐楊炯廣溪峽詩曰廣溪三峽首曠望兼

川陸山路繞羊腸江城鎮魚腹喬松百丈偃飛水千尋
瀑驚浪迴高天盤渦轉深谷 增唐張九齡湏陽峽詩
曰舟行傍越岑窈窕越溪深水暗先秋冷山晴當晝陰
重林間五色對石聳千尋惜此生遐遠誰知造化心

盧象峽山中詩曰高唐幾百里雲樹接陽臺曉見江山
霽宵聞風雨來雷從三峽起天向數峰開靈境信難見
輕舟那可迴 曹松巫峽詩曰巫山蒼翠峽通津下有
仙宮楚女真不逐綵雲歸碧落却為暮雨撲行人年年

舊事音容在日日誰家夢想頻應是荆山留不住至今

猶得覩芳塵 宋歐陽脩黃牛峽詩曰峽山侵天起青

嶂崖崩路絕無由上黃牛不下江頭飲行人惟向舟中

望朝朝暮暮見黃牛徒使行人過此愁山高更遠望猶

見不是黃牛滯客舟 蘇軾出峽詩曰入峽喜巉巖出

峽愛平曠吾心淡無累遇境即安暢東西徑千里勝處

頗屢訪幽尋遠無厭高絕每先上憶從巫廟回中路寒

泉漲汲歸真可愛翠碧光滿盞勿心驚巫峽尾巖腹有穿

壙仰見天蒼蒼石室開南嚮宣尼古廟宇叢木作帷帳
鐵楯橫半空俯瞰不計丈古人誰架構下有不測浪石
竇見天困瓦棺悲古葬新灘阻風雪邨落去攜杖亦到
龍馬溪茅屋沽邨釀玉虛悔不至竇為舟人誑聞道石
最竒寤寐見怪狀峽山富竒偉得一知幾喪苦恨不知
名歷歷但想像今朝脫重險楚水渺平蕩魚多客庖足
風順行意王追思偶成篇聊助舟人唱 金元好問黃
華峽詩曰玉立千峰畫不如天公自有范寬圖閭山要

著黃華老千尺珠簾得似無 又曰團團石甕作青瑤
仰面看雲覺動搖誰著天瓢灑飛雨半空翻轉玉龍腰
元素楠彈琴峽詩曰寒泉飛玉峽誰彈使成聲絲石
本同調摩戛生虧成重華初省方百神靜相迎為作薰
風絃散彼巖下情 明林俊兵書峽詩曰巫峽山西來
昂伏知幾變扶輿轉磅礴渾沌開生面中劈行懸流晴
碧天一線石根浪文摺龕寶相貫穿最高巒斗間衣褶
橫素練參差綴紅雪黃雲覆蔥蒨其巔翳叢木深窈兀

古殿三竅連欽峯殘簡隱約見世傳此兵書異人之所
撰太始留至今文字磨滅半坤靈護取將赤日下雷電
釋琦公琴峽詩曰目送歸鴻手五絃嵇康合向此中
仙水如玉指彈秋月星作金徽散曉天盡洗伊涼方可
聽不名韶濩若為傳君王莫愛霓裳曲艷舞嬌歌失自
然

原賦梁蕭子範建安城門峽賦曰原夫城門之所都廼
設險于閩區艱難過于身勢襟要甚于飛狐長湍一流

而沸涌層山兩判而盤紆對對巘雙分干霄帶雲怪石隨
波而隱見枯槎橫出而不羣顧瞻左右重巒接阜其間
如礪其絕如斗千乘馳輪匹夫可守龍嵒呀呬蹠浪揚
華鴈門飲羽西施浣紗瓌詭豐隆質狀不同斑黃糝采
玄紫潛通水奔湍其如雷聲疾裂其如風樹低柯而翠
鬱潭隱日而青空 隋江總貞女峽賦曰倦辛苦於嶺
表遂沈淪於海外迹飄飄於轉蓬情繚繞於懸旆駭茲
峽之珍怪佇奇峰而矚矚或遷迤而四成乍嵬嵬而五

曲含照耀之燭銀滹潺湲之膏玉山蒼蒼以墜葉樹索
索而搖枝澄碧源之見底聳翠壁以臨危

洞一

增廣韻曰洞空也 唐書曰明皇天寶九載十月幸華
清宮太白山人王元翼言玄元皇帝降于寶仙洞 又
曰元結作自釋曰天下兵興隱居猗玗洞稱猗玗子
又曰韋夏卿晚歲將罷歸署其居曰大隱洞 楊妃外
傳曰驪山有金沙洞玉蕊峰 原茅君內傳曰大天之

內有地之洞天三十六所乃真仙所居 又云第一王屋山之洞周迴萬里名曰小有清靈之天 又云第二委羽山之洞周迴萬里名曰大有空明之天 又云第三西城土山之谷周迴三千里名曰太玄總真之天 又云第四西方玄三山之谷周迴千里名曰三元極真之天 又云第五青城之洞周迴二千里名曰寶仙九室之天 又云第六赤城丹山之洞周迴三百里名曰紫玉清平之天 又云第七羅浮山之洞周迴五百里

名曰朱明曜真之天 又云第八句曲山之洞周廻一

百五十里名曰金壇華陽之天 又云第九林屋山之

洞周廻四百里名曰左神幽虛之天 又云第十括蒼

山之洞周廻三百里名曰成德隱玄之天凡此十洞皆

仙人靈真之陰天內宮也 又云八海之中崑崙蓬萊

方丈瀛洲滄波白山八溥之神山山皆有洞宮或有方

千里五百里非名小天之例不在三十六天之洞數也

又曰五嶽及名山洞室或三十里二十里十里難並

合神仙之言又非小天之數 又云嶽洞萬里其岱宗
山之洞周三千里名曰三宮空洞之天 又云羅鄴山
之洞周一萬五千里名曰北帝死生之天皆鬼神所治
五帝之官考謫之府也 又云鬼神所治又有二十八
小洞天之陰宮或地官所在者不能一一記其洞山之
名略標其大者耳其餘有六洞天陰宮山皆夸狄外國
鬼所不治犬戎鳥獸蠻裸夸之種也匈奴之天下北戎
之善山南越之岫嶺是也 又云句曲山洞宮之中本

有仙人郭四朝者治其宮亦司三官領羅酆帥晨候四朝燕人也兄弟四人得道四朝是長兄也 增李白集

曰荊州玉泉寺近青溪諸山洞往往有乳窟中多玉泉交流有白蝙蝠如鴉千歲之後體如白雪蓋飲乳水而長生也 劉禹錫集曰薛景晦為道州刺史得異境

於近郊有石穹然如夏屋因名其地曰含輝洞 龍川錄曰茅山隱士吳綽素擅潔譽神鳳初因採藥華陽洞口見一小兒手把大珠三顆其光瑩然戲於松下綽因

前詢之小兒忙奔入洞 酉陽雜俎曰有人遊南山乳
洞深數里乳泉滴瀝成飛仙狀洞中已有數十眉目衣
服形製精巧一處滴至腰以上其人因手承漱之經年
再往見所承滴像已成矣乳不復滴當手承處衣缺二
寸不就 郡志曰鉅野金鄉山北有石洞名清涼深十
餘丈內鑿石作四小閣閣外一堂陞高三尺堂外兩門
門外兩大閣石道長三十丈闊十有六尺世傳秦始皇
避暑宮也 又曰黔中郡南石厓屹立傍有石洞深數

丈相傳諸葛亮征九溪蠻嘗過此留宿洞中設一牀懸
粟一握以秣馬後遂化為石牀石粟至今猶存 又曰
貞元中洛陽人李渤與兄涉同隱居讀書於廬山五老
峰下洞中養白鹿自娛後因以名洞寶厯中渤為江州
刺史即洞創臺榭引流植花焉 宜春記曰江西袁州
有石室山洞數穴相通高十餘丈皆相似素壁如雪萬
象森羅或游宴其中殼核狼籍經宿如掃

洞二

增大隱 寒居

上詳前一 韓愈燕喜亭記云洞曰寒居之洞志其入時也出本集

引

馬

呼猿

引馬洞在霸州楊廷朗所穿始自州城中通雄縣 呼猿洞在錢塘縣宋僧智一嘗養白

猿于山間臨澗長嘯衆

猿畢集人謂之猿父

攝龍

垂魚

攝龍洞在常山洞前石竇常乾

禱雨則滲潤須臾滿溢有異物如蛇蜴魚鰕之類沒水注瓶而歸雲雨隨至及送還洞口則瓶已空若攝而去

故名 垂魚洞在彭澤縣洞門高數丈中有

溪西南流入小巴水洞口垂石如魚因名

金粟

玉華

金粟洞在泉州府紫帽山之陰唐鄭真人文叔居此里人有客洛陽者遇一羽衣寄書文叔及歸授

書遺以粟米半升還家視之金粟也

玉華洞在九江

府德安縣洞中泉湧有聲如雷唐時一僧于洞中獲錢

及磬皆

流香

浮石

流香洞在永州府零陵縣泉自石竇出飛瀑如練遊者時聞香

氣故名 浮石洞在建寧府建安縣響山之前蓋溪中

一小嶼遇水泛則與之俱浮相傳梅福煉丹響山其徒

陳生每竊食福

怒逐之逃入洞

黃石

白石 黃石洞在贛州府信豐縣高數十丈中有石人

兜鑿作按劍狀後有石獅石象甚肖有飛淙懸崖噴珠

賤玉出山半小洞中 白沙洞在北流縣之勾漏山東

燭從竇入凡經六七竇行里餘乃至勾

漏奇甲天下而此洞為勾漏之第一

青衣

紅旗

青衣洞在錢塘縣相傳昔有人至洞口遇青衣童子問之不應良久入洞逐之不見 紅旗洞在辰州府溆浦

縣東南馬希範收武陵蠻至此見

榴花 蓮子

榴花洞在

福州府城外東山唐樵者藍超逐一鹿入石門內有雞

犬人煙見一翁謂曰此避秦地也留卿可乎超曰歸別

妻子乃來與榴花一枝而出後再訪之則迷矣 蓮子

洞在安慶府潛山縣蓮花峰下宋時有承局發蜀中一

道士托之寄書敲石少頃洞門自開一童子引入與麥三升為酌承局以薄投之水已而視之皆金也

犀牛 羚羊

犀牛洞在平越府南張三丰高真觀下洞有石犀正德間觀內鐘夜半與牛鬪如雷

吼侵晨水草猶有存者 羚羊洞在臨安府納樓茶甸長官司北中產鑛鍊銅銀其高聳處有羚羊飛石層積人不測 龍影 虎斑 龍影洞在岳州平江縣西北其深三千餘丈周三十里石壁瑩然上有龍影屈曲蜿蜒鱗爪如繪 虎斑洞在登州府栖霞縣東巖石倒垂黃青錯雜有如虎文其中深遠莫測居人舉火試之煙出山

後石竅中泉水旁涌 枯柳 嘉魚 枯柳洞在石泉縣北洞門有石臺香

爐內有蓮豆杯爵之屬皆出天成 嘉魚洞在漢中府寧美州南西流河畔秋冬水涸則魚藏春夏水漲則魚

出其味似鱖 以 透谿谷 興雲雷 歐陽脩詩曰洞上俱見潛確類書 門常自起煙霞

洞穴旁穿透谿谷

李白詩

壁上琉璃窟中蝙蝠

日洞門閉石扇地底興雲雷

南康記曰魚朝恩有洞房四壁夾安琉璃板中貯江水及萍藻諸色魚鰕號魚藻洞 下詳前一

洞三

增石經洞

在順天府房山縣隋時法師靜琬鑿石為版鐫經其中以石門閉之累代皆有碑碣

孔水洞

在房山縣大防山東北今訛為雲水洞懸崖千尺石竇如門深不可測有人乘桴窮源五六日

無所底惟見仙鼠畫

張公洞

在婺源縣咸通末洞靈觀道士以繩縋入洞井

飛鱗鱗游泳而已

中約百餘丈乃至底旁視有光路盡阻水隔岸有屋宇花木樹石宛然仙境有道人使一童子刺船而至問欲渡否答云欲渡因復縋而出明日井中出一石筍塞其口無復入者

林屋洞

在蘇州府吳縣西洞

庭即道書十八洞天之第九一名左神幽虛之天洞有三門同會一穴一名雨洞一名暘谷一名丙洞中有石室銀房石鼓石鐘金庭石柱白芝金沙龍盆魚穴乳泉石燕又有石門名隔凡

白龍洞

在松江府

橫雲山上相傳下通澱湖每

佛窟洞

在宜興縣張公洞之西南深可

風雨之夕有龍出入洞中

數丈中有流泉人不得入忽湧出一石佛識云宋端拱二年造因以名洞

水簾洞

在鳳陽臨淮縣

昔有成都戍卒來覓水簾先生郡人莫曉一旦至水簾洞石忽裂聞有人引之入他日復出言其中洞府豁然宋紹熙中皇甫斌書水簾真洞四字刻于石水淺則見深則沒

雷公洞

在廬州府霍山縣西三十

里鳥梅尖下深可丈餘世傳壁上雷公斧跡洞口起霧即殷殷而雨尖上多梅故曰梅尖

華陽

洞 夸堅志李允至和州近郊有穴黑如夜稍進漸明石池中荷花爛熳天日晃耀有石碁局聞誦經聲而不

見人已而至道旁則滁州境也已
是七日纔一晝耳其所至乃華陽洞也

達摩洞

在河南府少林

寺中即面壁九年處石高三丈許達摩之像宛然

玉女洞

在西安府藍屋縣洞有飛泉甘而且

冽

二郎洞

在石泉縣西洞旁石上有大士手膝印跡宛然

石墨洞

在汧陽縣東南

以洞產石墨可書也

仙女洞

在龍安府治南山勢盤旋石竇深遠相傳風日晴和時遙見仙女靚

妝遊行巖上或理髮或浣衣洞壑中隱顯不常

白鹿洞

在重慶府忠州昔有二獵人逐白鹿入洞

失鹿所在見二碧瓜食之仙去

二仙洞

在夔州府大寧縣一名王子洞山高百餘丈上下皆峭壁

相傳昔有王子採樵見二人圍碁于此局未終而斧柯爛

方響洞

在嘉定州學前丁東院洞腹有

水如環珮聲黃魯直詩古人題作丁東水自古丁東直到今今我改名方響洞信知山水有清音

鬼

谷洞

在嘉定州大嵯山相傳鬼谷子隱此著書得道去

諸葛洞

在平泉長官司武侯征九

溪蠻宿此設一榻懸粟一握俱化石

石龜洞

在咸寧縣洞門深狹既入輒寬平上有石龜水吐龍

口晝夜不絕

荆泉洞

在蒲圻縣中有石田溝塍居民歲視其燥濕以占凶穰嘗有好事者裏糧

而入信步趨出則在崇陽之葛藤坪相去約百餘里

玉虛洞

在興山南唐天寶五年有人遇白鹿

于此山薄而窺之乃有洞可容千人周圍石壁隱出異紋成龍虎之形花木之狀日居左而圓月居右而缺如琢如畫顏色鮮麗中有石座者三瑩然明白有石乳下滴結成佛像列於前後溫潤如玉因謂之玉虛洞三伏之際凜若九秋郡守奏其狀乃于洞側置觀度道士七人御賜題額

賓郎洞

在慈利縣茅岡塞之

南一穴而入後有大門過此則為徭界

三雅洞

在常德府西武陵記云昔有人鑿池得三銅器

其下有銘曰伯雅仲雅季雅蓋漢末劉氏所製器伯雅受一斗仲雅七升季雅五升

朱陵洞

在衡

州府衡山縣道

龍泓洞

在錢塘縣葛仙翁于此得道

大滌洞

茅君

書為第三洞天

傳大滌洞在餘杭第三十四洞天名大滌元蓋之天與華陽林屋洞道相通

栖真洞

在餘杭縣

大滌山前一名西洞舊志大滌先生杜瑛語弟子何法仁曰汝宜居西洞可以逃世成真故名

白茅

洞

餘杭縣洞霄宮西南有白茅洞其門如井垂綆而下容坐二十人舊志云昔人遇一道士衣巾爽麗自洞

出詢所自來曰吾白茅先生

桃源洞

在台州府天台縣一名劉阮洞

職此久矣因以白茅名之

即劉阮遇仙處

括蒼洞

在天台縣道書第十洞天也

朝真洞

在金華府金華縣居

山巔巨石如龜橫當其穴穴中數石如人名羣仙洞其旁一石玲瓏若被瓔珞名真人洞洞中水涓涓流名澣

室下注泉一泓有嶺曰風門嶺風迅如扇上有垂蓋類蓮花高四十餘丈絕頂幽峭莫測朝真而下百餘步至玉壺洞洞在山腹泉聲淙淙若金革懸崖而下石皆離列水奔注其中跳沫成簾長三四十丈雙石嶄然壁立曰石筍自玉壺五十步至雙龍洞洞門軒豁如大廈洞中一穴有石曲折而方名仙田其下石杵扣之有聲傍石嵯峨儼如積雪

太真洞

在衢州府西安縣內有玉泉亦名玉泉洞與之相通

者又有三洞一曰靈龜一曰朝陽一曰碧雲

青溪洞

在嚴州府淳安縣韓世忠追方臘至此將

士莫知所入世忠潛行溪側問一野婦得徑即挺身仗戈擣其穴擒臘以出遂改名威平洞

石城

洞在鉛山即新巖石城如門偃俛而入得石室明朗四壁嶙峋怪石皆作磬聲又有石鐘高不可擊左一竇

可容百許人俗呼仙人田仙人倉甚衆又有層冰洞石龍洞諸勝

雙鶴洞

在南安府崇義縣舊

名石室今名妙音洞有井正圓廣尺而深不可測相傳神龍居之昔遊人澗此井龍化雙鶴飛去翔翥久之不知所

西峰洞

在甌寧縣西鄉紫溪二里界洞內有爐鼎石牀石上五坎其形如碗皆盛石髓

各具五味之一寒氣逼人

玉清洞

在甌寧縣城西玄妙觀溪潭中昔漁人因捕魚入潭見石室金

字扁曰玉清洞升其庭有青衣者出曰此司命真君府也何得擅入送之出門其室遂隱

鳴玉洞

在興安洞中石筍懸注一石盤承之

青華洞

在大理府雲南

泉聲淙淙如鳴玉然亦名梵音洞

縣中極寬衍天光漏日每歲夏季土人士女雜至以炬火爇之云不爾必有蜘蛛之孽

太極洞

在鶴慶府城南中有碧潭澄淨土石分半宛若陰陽互生

燕子洞

在黃平州城西有紫燕千百為

羣潛藏于此因名

靈巖三洞

在徽州府婺源縣連接率山方輿勝覽云山有洞靈觀觀東北

有慶雲洞巖竇皆五色輝映兩岸上有真人鸞鶴雲霞之象芝田靈草羅左右西曰蓮花洞南曰含虛洞有積雪臺及沈香岑諸勝

小魚龍洞 在池州府青陽縣由深谷而入中有綠魚白鳥翔泳洲渚巖壁嶙峋如玉筍蓮花如攢戟有玉桂芙蓉仙翁獅子等狀洞盡處日光射入小洞中光彩不可以言狀已入石埭界說者又謂通貴池之古仙洞云 以上並潛確類書

艷陽洞 方輿勝覽曰艷陽洞在仁壽縣至道觀之後昔天師既誓玉女于井因藏去其衣鎖之石室或謂之洞洞在重巖下崕岬幽窈晦明變化千態萬狀雖距闌闔不數武而若與世隔道陵脩道之區也

洞四

增詩唐于鵠合溪乾洞詩曰渡水傍山尋絕壁白雲飛

處洞天開仙人來往無行迹石徑春風長綠苔 曹唐

題武陵洞詩曰溪口回舟日已昏却聽雞犬隔前邨殷
勤重與秦人別莫使桃花閉洞門 又曰桃花夾岸香

何之花滿春山水去遲三宿武陵溪上月始知人世有

秦時 宋梅堯臣琨瑤洞詩曰仙人采玉驅雄龍列山

剖璞青腔空因邃為堂曲為室石乳溜壁光玲瓏仙歸

龍去草樹長蔽翳不復人蹤通指壇買墅下峰下洗斲

務欲險怪窮 程俱善權洞詩曰嘗聞包山境中有林

屋天旁通號地脉嶽瀆潛鈎連茲山豈其類瀕洞皆中
穿二巖岌山足琤琮激奔泉牛羊走大石吐受無窮年
金堂下石液雪積如烹煎中藏丈五石屹若龍騰淵洪
崖儻可俯不在南山南 又白馬洞詩曰披榛不知疲
詰曲巖下路俄然見深窾偶坐入巖戶人言紫髯仙白
馬從此渡磷磷盡赤石丹竈遺滓汙 元熙白雲洞
詩曰峩峩兩峰間崔嵬聳雙闕中有仙人洞恍若仇池
穴朝開白雲生暮掩白雲滅朝昏有奇變迴與人世隔

會當結茅屋來此寄疎拙沈思畢舊聞長歌抱明月


楊載水樂洞詩曰石林求路轉聾牙來訪香巖大士家
雨過門前生薤葉風行隴上落松花懸崖滴水鳴金磬
激澗流泉走玉沙欲適山林去城市久知寂寞勝紛華
明宋璩水簾洞詩曰石泉飛雨亂淋漓翠箔銀絲萬
縷齊雲屋潤含珠網密月鈎涼沁玉繩低鮫人夜織啼
痕濕湘女晨妝望眼迷恍似水晶宮殿裏四簷花雨亂
鶯啼 胡纘宗林屋洞詩曰繫馬靈宮第幾天紫霞丹

竈坐羣仙金庭空閣蛟龍鬬玉柱玲瓏日月懸改火欲
烹山乳食掃雲初藉石牀眠隔凡不隔岳陽水黃鶴飛
飛何處邊

御定淵鑑類函卷二十五

謹案卷二十四第二十一頁前三行烏珠舊作兀
术今改後倣此





總校官庶吉士臣張能照

校對官庶吉士臣陳墉

謄錄監生臣浦煊